

我鶯峰詩集

一之八

内閣文庫

和書
類
一八三八七
冊
三〇冊
三〇五
函

内閣文庫	
番號	和 18387
冊數	30 (2)
函號	205 162





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





淺草文庫


學講談所

鷺峰先生林學士詩集卷第一

向陽前集一

寬永十二年正月
至同十四年十二月

乙亥試筆



長安幾遇孟陽辰今歲武陵欣賞頻四海為家太平

朝霞千里一般春

元朝喜氣日光遲草木風烟清又奇硯沼水融聊試

穎甕春霞泛足揚危庭前郁郁梅顏綻岸上青青柳

眼垂一夜萬形皆改觀新年愧不發新知

謹和羅淳先生試毫之嚴韻

元旦揮毫賀大家清新語句帶烟霞春來不藉鶯梭
手織得文章段段花

謹和東舟先生試穎之嚴韻

東風霞起忽飛揚鉄硯冰融似慕桑自此群芳可資
始官梅先發一枝香

和杏庵先生歲初之詩韻

黃鶯忽囀武城春更聽絃歌皆欲馴歲始何求爽人
口一篇詩味最兼珍

和永甫雅丈新歲之詩韻

忽遇青陽試秀才東風吹入九霞盃花開見在新詩
裡庭砌何期羯鼓催

奉汚金地太和尚試兔之嚴韻

迎得陽春和氣堆太平呈象紫霞杯雖吟武野風光
好想像南禪輦寺梅

和勝俊丈試穎之韻

一別千程南海濱東遊欣遇武城春案頭忽送舊年
去詩似番風花氣新

和敏清生元旦試觚之韻

書窓迎歲見詩工麗日紅霞映暖風東海春來水始解健毫先向墨池中

和道意丈試穎之韻

千里他鄉逢月正霞間遙望九重城陽和今日新來處黃鳥先揚喚起聲

和守勝弟試毫之韻

幼歲迎年在武城泰平唱和出幽鶯堆岩不動春風國共見白沙為翠兒

次梅雲雅丈新歲之韻

去歲營新宅

建寅斗柄夏時正滿面和風心自平新歲始逢新築裡一篇一曲喜遷鶯

奉和脇坂君新年和歌之末字

桑暎出海發光輝韶景無邊風更微詞花昂發士林上芬芬郁郁滿春衣

仲春釋菜賦程堂春風

春日遲遲韶景濃一團和氣憶純公溫風德義遍天下悟入傍花隨柳中

杜鵑

杜鵑鳴處怨依依哀慕千年向北飛老樹高懸一輪
月檐前休唱不如歸

芍藥

紅藥花開亞牡丹幾般吟賞倚欄干庭前分得維揚
種莫做尋常一樣看

端午

戶戶艾人邪氣除飯筒隨例愍三閭庭前詩景先須
記正是榴花結子初

七夕

迎得良宵物景宜涼風滴露共清奇一年一會雖須
恨却羨星盟無絕期

秋霖

連日滂沱未解晴書窗獨坐動詩情中秋待奏霓裳
曲豫聽檐間琴筑聲

八月十四夜

清樽素瑟向新涼二七秋容桂子香明夜為思盈不
久晴夫先賞九分光

中秋

西京慣看十分圓東海欣逢萬里天潤得今宵新月
色賞心孰與舊年年

中秋奉塵家君佳什之嚴韻

月白風清棊几前晴空千里一輪圓佳篇寫得中秋

景金主聲聞武野天

曉天鳴鴈

高樓月落素秋天孤鴈叫飛雲路邊嘹唳一聲湘水

冷驚回遠客五更眠

漫綴絕句一章以塵夕佳樓主人中秋之芳押

三五秋來月色新他鄉欣幸遇良辰客愁多少今宵
散一段清光是故人

重陽

莫囊隨例祝重陽籬外詩情一片黃四海今朝菊花

宴陶家何獨管秋香

初雪

微雪風來吹白些窻前詩興思無邪冬天却惟春光

到初見林梢頃刻花

寒華初舞處驂客發詩情影似梨花淡飛如柳絮輕

書窗何用燭，平地稍鋪瓊。喜見豐年瑞，從來因太平。

達磨贊

鼻祖西來遊魏梁，禍根桂子久昌昌。自從熊耳活埋後，再現葱山又片岡。

采和贊

旁有花筐又有仙讀書

跣脚藍仙鬚髮斑，花筐天篆兩醜顏。他年隻鶴入雲去，長使蹈歌留世間。

乙亥季冬春海雅丈辭東武歸長安，余離群之情不可言焉。聊綴小詩一章以餞其行。世表云爾。

湘左馬嘶西向秦，一觴歡伯送行人。雖拋士嶺千秋雪，羨迎洛陽三月春。

韓主堂雪

王趾微行踏六花，地爐煖酒策謀加。誰知一夜立深雪，榻外他家屬宋家。

伊川門雪

門外雪花盈尺堆，游揚二字骨寒來。陽節陰慘一家學，異曲同工玉色梅。

蘇武羝雪

臥_レ窖_ニ牧_ヲ羝_ヲ持_テ節_ヲ人古來忠義更無倫縱然胡國契_ニ種_ト
雪_ヲ還_テ遇_テ麒_麟閣上春

[Faint bleed-through text from the reverse side of the page]

丙子元旦

改_レ歲欣逢_ラ千萬家東君物象屬梅花天經地緯織成_ス
處春服新裁一片霞

元旦立春

和氣溫溫泛_ラ栢_樽條風嫋嫋顛_ス金_幡出_ル幽_ヲ黃鳥一聲_ヲ
裏喚起_ス新春與歲元

漫塵家君鷄日試免之嚴韻以奉呈膝下二首

滿_レ樽椒酒蕪_ヲ猶_ム醜_ム上_テ壽_ヲ家君慶有餘字字梅開_ク一元_ヲ
氣_ヲ須_ク知_ル萬物發生初

谷風習習入羅浮吹徹梅花村下洲袖海水融滌毫
處料知洙泗一源流

奉塵東舟先生試兔之瓊韻

東風送暖入春盃味外膠飭句句催萬丈文光映鸞鳥
晷雲霞草木悉昭回

賡永甫雅丈試兔之芳押

交泰三陽人統正明窻淨几賞春晴新年新語似鸞鳥
語始聽花中絃管聲

次韻守勝弟歲初之作

年少賞春詞語奇屠蘇祝酌最初卮自茲文苑秀當
實花木向陽萌動時

首

丙子鷄日敏清生有試觚之作因次其韻云
初看軟青兼軟紅千村萬落向東風欲知春色著何
處收拾新詩一句中
淑氣熙熙入席端椒花柏葉酌同歡冰甌滌筆寫韶
景詩與新年共一般

絕句一章效寸木亭主雞日佳什之類云

寒温一夜送兼迎，風度醫林擗管城。冰泮初嘗上池水，活人心匠自茲成。

次韻就安丈試東之作云

太昊執規風物新，陶泓冰解賞心頻。何須別覓芳菲去，霞語花言不負春。

次歲初之詩韻以與政胤

他鄉又遇孟陽辰，窗外江山遲日新。佳節思親遙望處，烟霞千里滿城春。

和通景試觚之韻

黃鳥間關語始新，韶光到處自無塵。番風吹度芸窗外，一夜梅開筆下春。

賦早春即事詩

阪月穀日步自家塾遊，于上野淑氣熙熙滿自多。景和風嫋嫋吹面不寒加之花木向榮枝頭稍紅，賞心不些遊眺尤長矣。後來百花爛熳之日足以期望而只恐此景此時寸陰尺璧歟我儕天性雖不羈愁為書林之一弱冠不吟何以免春風之嘲。羣花之笑哉因題早春即事以賦絕句一章云

無邊韶景苦吟身，花木向榮猶日新。釋綠軟紅尤稱，
意行看桃李艷陽春。

上元

上元天霽共遨遊，處處絃歌入畫樓。月影燈光城外，
滿若非不夜定丹丘。

奉和脇坂君歲旦倭歌之末字二首

禪窟迎春老作家，椒觴餘瀝早除邪。東風緩度招提，
境方丈曼陀祥瑞花。

奉和脇坂君歲旦倭歌之末字二首

新年風景自長閑，和氣團圓入席間。五色雲霞雪殘，
處窻前西嶺是蓬山。

武林迎歲對東風，試穎陶泓水已融。何用別尋韶景，
去詞花早發映春空。

賡卜幽乙亥除夕韻

歲月流行下坂輪，曉鐘已到萬形新。秦中守夜逐儺，
母渡莫關鷄報早晨。

賡卜幽丙子元旦韻

萬物逢春各得時，明窻想像發新知。百花富貴洛陽，

景句句看來皆有之

仲春釋菜賦泗水尋芳詩

泗水韶光憶紫陽白雲紅靄遠相望千年聖蹟斷斷
後今日春風花尚香

春雨

小雨斑斑春味長芳塘到處馬蹄香檐前濯錦花間

露流入蜀江添水光

右春雨之題家君所出也作者五六人云云家君評此詩日第一句可也第二句兩中往來乎坐而想像乎吟未了云云又日此詩并花而言之為言春也未可也似兩中對花之詩矣

高平春鳥

織柳弄花飛且鳴東風吹送羽毛輕小窻春誦長閑

日和答嚶嚶求友聲

此詩者與眾人闢分八題得之
家君批評云織柳二字詠鴛鴦
可也鳴字與嚶嚶重複因改第一句日花底柳邊
飛向晴云云而以爲八首中翹楚

上巳

爛熳桃花開絳脣重三欣遇艷陽辰夭夭灼灼滿庭
景祝得武陵源上春

堤氏通景侍嚴君之側歲月已久而今春請辭
去以其親老且無兄弟也嚴君以其志難奪而

姑許之且約他後欲箠仕則當復來侍于左右也何他之哉予晝夜相馴咫尺不去離別之情豈易言哉既促行裝之日裁絕句二章以祖較之云

關山萬里促行裝楊柳青青祖道傍江上春風馬蹄急下朝離恨水空長

又

行人一騎已揚鞭從此離羣思悵然他後湘東須寄語年年歸鴈洛陽邊

櫻花

抱石映松花不群温風吹盡雪紛紛縱然玉女裁春服莫剪白櫻枝上雲

惜春

青帝辭權去欲休花飛蝶駭使人愁遊絲繚亂碧空滿須網春暉為我留
家君曰改春暉為駿鳥乎為我改聊以乎又改時暫乎鳥字繫網字此倭詩之風也雖然遊絲網春暉字出惜餘春賦則不為有害也

芍藥絕句一首

芍藥之為花詠於詩書於本艸載於相如之賦爾

來其名漸著也及蕭齊之時謝朓賦之在李唐之時者少陵摩詰以下賞之者多矣及趙宋之時其花最盛而賞之最重矣其生于揚州者為天下冠遂與洛陽牡丹齊名於是四相之賞有萬花之會常父為序貢父為譜而列其名品稱其繁華至誠齋推之為花相以配牡丹也芍藥之美至此極矣古人之愛重如此予庭前有芍藥兩三叢其翠葉紅艷所愛之殊甚者也予雖不才欲作詩以賞之日日擁鼻攢眉既而以為惡詩之題詠者花之

辱也豈不羞之乎將投筆矣既而又以為詩者人心之感物而形於言之餘也何耻焉於是作絕句一章云

滿庭芍藥憶維揚
繞砌翻階吟賞長
花相美名雖可重
豪奢猶恨亞姚主

端午

天中時節對蒲觴
細葛含風輕又涼
滿架書編宜辟蠹
欄邊闔草得芸香

七夕

雲車鳳駕渡銀潢，一歲佳期樂未央。博望問津何可
信，武丁知嫁最難量。曾聞天上弄機杼，豈爲人間織
錦裳。我有藏書數千卷，手繙絹帙曝秋陽。
風度銀河素月流，二星相會稍消愁。今宵須叙一年
恨，何記人間乞巧樓。

道意生歸長安，余欲送之而謂古人送行以財
者富貴之人也。以言者仁者之事也。是皆非余
任也。何敢乎欲唱陽關歌折柳，未知音調如何
也。雖然淡交已久，非可默止。於是裁絕句一章。

以投之

逆旅尋常賦式微，西歸今日馬如飛。皇州驛路百千
里，滿面秋風吹客衣。

八月十四夜

乘涼對月步庭前，二七秋光望景鮮。世上只期三五
夜，驕人豈負九分圓。素娥粧鏡雖羞缺，明復清樽宜
得先。玉斧修輪猶未已，兼歡來夕益嬋娟。

中秋不見月

漠漠陰雲礙月明，中秋無興最多情。豈圖今夜霓裳

奏變作孀娥怨曲聲

仲秋釋菜賦孟子如秋

距楊關墨道猶明亞聖太才千古鳴養氣養苗相共
似心田熟處是西成

重九

菊花一朵報重陽金盞銀臺露可嘗戲馬商飈陳迹
久東籬千古認秋香

九月十三夜

如雪如霜江上樓四望澄景慰吟眸中秋再遇重陽

後萬里無雲月在婁

新居

環堵運斤經始成牙籤軸軸繞縱橫西風繙卷新居
裡句讀交加雀賀聲

[Faint bleed-through text from the reverse side of the page]

丁丑元旦

春到乾坤錯綜中，霞光雲影映蒼穹。
鶯梭欲織滿城錦，先見枝頭一片紅。

漫塵家君試穎之巖韻，而以奉呈膝下。

滿顏韶景是禎祥，五色雲霞簇苑牆。
袖有天池詩有藪，筆穿宿雪更泔浪。

奉汚東舟先生試毫之韻，
滌筆冰甌工製詩，官家祝了及其私。
東君施德八紘裡，一樣和風煦育時。

謹和正意法眼試毫芳韻

客舍逢春萬里身，朶雲紅靄筆如神。
丹房識得東風味，吹入青囊活幾人。

漫和永甫雅丈新正之詩韻

日邊春到海東家，新製文章點不加。
筆力奪天公手，否恠看紙上落烟霞。

和守勝弟元旦之詩韻

家族團圍歡笑開，新年慶賀各銜盃。
溫風和氣儒林上，春自六經經裡來。

上春厚敏清試翰之韻

新歲韶光尤可入芸窻只惜寸陰頻詩林不借番風力小字梅花先得春

和就安元旦榻管之詩韻

滿目平原氣象新酌花酌柳若而人和風消息硯水釋料識閑窻認得春

和賡春良丈鷄白詩韻

人統王正月在寅明窻榻管賀青春黃鶯一曲遷喬處彷彿清詩語句新

漫摘脇坂君歲初倭歌之末字以綴俚語二章

奉呈王座下

士林新歲賞心頻書劔烏皮絕點塵花在筆頭霞在酒坐間占得滿城春

春入管城欣太平祥雲瑞日共清明扶桑窻曙詞林上一曲倭歌喚起聲

奉塵金地大和尚試翰之嚴韻

新歲禪林物色饒春風揮筆硯水消圓通境裡黃鶯囀忽入清吟到市朝

三元天氣一般新暖，靄氣氤陽化，淳嫋嫋東風吹寶樹，檐花如雨，緝園春。

和康之丈試春之詩韻

韶光不隔故鄉園，滿面和風乾。與珣詩骨清新，鹽絮雪梅花入句，豈陳詩。

依壽閑丈人雞日起筆之詩韻

客中擲管喜逢春味外，椒觴詩句新。須記武陵風景好，欣欣花草向都人。

賡江宗珉丈人客中履端之詩韻

武城城裡窄遊人，一曲絃歌鶯報春。千里朝霞白雲下，回頭遙望帝鄉親。

次正的丈試觚之詩韻

天下迎春斗建東，番風吹度見新紅。烟霞簇簇江城滿，多少拙來一句中。

正正月十四夜對月

一刻千金夜未央，蟬娟春月漸幾望。桂輪高掛梅梢，上半賞清光。半認香。

元夜

楚俗當初祭紫姑唐皇今夜弛金吾滿天花影一輪
月誰記星燈照九衢

元夕月明雲霧開高歌急管響樓臺縱然唐帝製新
曲莫向江城奏落梅

鴻術家良意雅丈有試簡之佳什見示焉圭復
累日遂享其芳韻

有脚陽春來自東醫林風度樂融融刁圭分得神仙
藥一盞霞浮一縷紅

洛人道專脈子者余所舊識也今茲之春有試

夫類佳什遠寄於東武見示焉余一日三復相思

之情不可言遂次其韻且聞其有微恙故聊祝

一絕春詞千里來遙思筆硯不生埃霞浮藥酒風醫

草新歲料知壽域開

春雪

何厭東風拂面吹滿庭雪舞夜來奇枝頭頃刻紛紛

白莫謂春寒花較遲

慣看玉色後園梅豈記窻前雪已堆樹樹疑看落花

早爐邊不悟帶寒來

家君曰二首第一三句勢皆不好

丁丑之春野間氏成之有試類佳什附行李往

來自洛遠寄於武陵大醫壽昌法印袖其詩而

來示曰是我少子所始言也吟賞不少圭復難

措法印求其賡載不獲默止而亂道云爾

醫林年少始吟詩現脫黃鶯出谷時先酌屠蘇知氣

味期望心匠見神奇

螢火詩

弁序

夫螢之為生也其形者雖至眇其名之顯著已久

矣所謂熠燿宵行者幽風所詠也腐草為螢者月

令所載也加旃在晦而能明者傳咸譬賢臣也入

暗室而不欺者駱賓王論君子也爾來騷人詩客

無不言焉可謂羽虫之著明者矣丁丑仲夏之夕

余獨坐閑吟忽有螢火飛入書室翩翩煜煜得其

所矣車公之夜讀鑑師之夜禪共可弁按也余頃

有微恙而廢筆硯然則一點螢火唯不照一夕寂

寥而已亦起數日怠倦者乎若夫求之及數斛撲

之以小扇者宮中之遊而余所不取也於是乃裁

詩集

絕句二章聊述所懷云爾

忽看孤螢照靜堂案頭書軸展緗黃平生願聚紗囊影要作文章字字光

又

熠燿宵行興味長閑思古昔感無量千年膾炙車公事不及隋宮數斛光

七夕

良宵迎得憶宗元乞巧一篇千古存元是人生皆有命莫將私願犯天孫

許由洗耳圖

應春良求

許由高志輕王公巢父飲牛名不窳洗耳縱然緇穎

水自茲此地起清風

坡集云許由耳何緇

元是巢由不願榮九州何換一身清韜光晦迹千年後洗耳壺牛却惹名

八月十四夜

二七秋天月色明來宵耳待到圓盈九分輪影尚修缺何事世人安小成

重陽

詩集

卷之二

七

重陽無處不陶家採菊東籬興何些冷淡秋香看不
足誰尋七七杜鵑花

十二月下旬遊角田川

乘興隅田河水濱業平佳詵認芳塵翩翩都鳥莫相
背我亦長安遊覽人

我鳥峰先生林學士詩集卷第一 終

我鳥峰先生林學士詩集卷第二

向陽前集二

寬永十五年正月一至
同十六年十二月

戊寅試免

一陣東風吹面來新年嘉瑞彩霞開堅氷解處水清
淺滌筆墨池先賦梅

奉塵家君試免之芳韻

儒林花發六經中日域從來道已東和氣溫然接入
處諸生今日坐春風

奉塵構墩先生試免之嚴韻

江上迎春賀太平周流元氣物資生東風一陣入松
處便是新詩度曲聲

謹和永甫雅丈試毫之芳韻

陶泓水解試毫時可惜芸窗歲月移元是詩聲如鼓
吹柳陰不待箇黃鸝

奉和正意法眼試簡之芳韻

元是醫林多禁方屠蘇有喜歲初觴家山遠隔旅窗
外千里朝霞望帝鄉

和守勝弟試翰之韻

新歲風温野水濱千村萬落悉逢春東風忽入毫端
後花在詩中字字新

奉塵金地太和尚歲且試筆嚴韻伏乞電矚

緝園春到物華加梅柳無私江水涯栢酒不嫌禪味
淡一甌又喫趙州茶

戊寅陬月脇坂君在信陽製歲且倭歌二章經

白達於武城余薰誦再三圭復不措於是汚其
末字綴唐詩二絕而奉呈玉座下

新歲故園欣賞類多般韶景入吟身錦心繡口烟霞

語吐作倭章管領春
物換星移春又來彩霞呈瑞泛椒盃一番風信詞林
上小字梅花郁郁哉

戊寅大簇賡載春海丈鷄日之詩韻

元是洛陽遊學人異鄉迎歲賞心新九旬韶景應行
好次第番風桃李春

漫攀夕佳樓主新年佳什之韻枝二首

忽別秦城成遠遊醫林花綻稍忘愁墨池春水神龍
躍思邈靈方又可求

藥境春情豈齟齬虛邪掃了酌屠蘇和風消息共同
樣何隔故園千萬途

戊寅之春三竹雅丈有試穎之佳什自長安遠

寄於東武一日壽昌法印袖其詩而來示余求

和章不能峻拒綴蕪詞以投之

東風吹藥境隱几一青襟硯凍忽消釋甕春更醉沉
烟霞新入語驛路遠傳音說盡洛陽景佳篇幾度吟

小詩一章應壽昌法印之求以和成之少年試

穎詩韻

化工元是有何私春入屠蘇霞泛危字字聯芳吟翫
久却忘風信到南枝

道專丈辭武城歸京師離群之情不易言也因

賦絕句一篇以較之云

驛馬如飛不少留千山萬水思悠悠春風好去長安
路一日看花忘却愁

春題十首

春寒花較遲

春來冰雪未消時無奈餘寒花較遲何日得吹柳子

律使回暖氣到南枝

細雨催花

衆植逢春皆向榮催花小雨不吹晴林間滴滴如琴
筑換得唐宮羯鼓聲

東風御柳

未央宮裏柳絲黃春色斬新吟賞長條似細腰烟似
黛風前日日向君主

霞褰遠寺

偶尋幽寺曳吟筇滿眼望中霞彩濃萬縷紛紛一天

滿上方何處只聽鐘

鶯呼友

黃鶯出谷語綿蠻尋友春林往又還金羽雙飛何處去若非柳上定花間

二月驚梅晚

孟春過後始看梅此地堪驚花晚開寂寞前村少人識東風二月報香來

月移花影

春睡不牢蟾影斜滿庭紅紫映窗紗通宵愛看清光

好移得一花成兩花

燕窺硯

玄鳥駕風來去頻結巢梁棟寄其身翩翩窺硯文房裡長日呢喃誦魯論

落花如雪

暴雨烈風三月天花飛雪舞半庭前樹頭樹底紛紛白吳笠楚鞋相共連

讀李白惜餘春賦

垂盡餘春惜歲華謫仙作賦屢咨嗟詩壇畱得東君

否語有烟霞筆有花

端午

端午讀騷思屈原吾邦千歲楚風存飯筒不識誰歎
否湘水沉身非定論

余茲八月脇坂淡州太守家老安親丈經始新

居以饗太守余亦應招而行求作詩因賦一絕

嘉賓枉駕意相和爽氣涼風景象多新宅盛筵秋日

暮主人欲假魯陽戈

中秋無月

霽霖數日更無休今夜誰成天柱遊黃卷青燈可相
伴曾聞方寸有中秋

律詩一篇絕句三章敬悼叔父樽墩先生以助

孝子永甫丈之餘哀

無奈人生命不常凌空忽去白雲鄉多年就職府中

士今日修文地下即警枕猶殘千畏藥靈牌謹炷一

爐香淚痕滴盡行行露流入東溟別恨長

豈料今朝逢此愁古來人世似蜉蝣浮雲覆壓文林

上月暗桂花一夜秋

一領深衣一幅巾終夫永訣望芳塵壯夫爲滴西風
淚復看涪旆慕伯淳
當世鴻儒出日東一朝捐舍意忡忡窓前依舊有遺
愛風月無邊秋草中

今茲季秋脇坂淡州使君蒙
釣命發江府往
守駿城余於使君有識韓之幸至是戀戀之情
不易言也乃綴俚語一章以呈之使君平生好
詠倭歌故詩中聊及此云伏乞電矚

台命秋來成此行西風兩地別離情高歌秀出明人

後富士英靈尋舊盟

宗允生從脇淡牧赴駿州作一絕以較之

人生如寄奈相離回首征鞍霜露滋紅葉須供過客
觀若非煖酒定題詩

孟冬上澣夕佳樓主戲作絕句被示之因和其

韻

世間任運寄斯生風月無邊吾弟兄富貴浮雲俄聚
散陳編千歲可傳名

金地大和尚自東武歸南禪輦寺綴俚語一章

而奉送之

翁向皇州我海濱朔風與馬逐芳塵故山到日應陽
復花早叢林天統春

雪行

雪徑吟興景異常臘梅寒月共添光行人何覺笠檐
重花滿街中鞋不香

東興已卯元旦

日自曛曛風自温一般淑氣盡乾坤我家新景慕伊
洛玉色梅花雪對門

奉汚家君鷄日試毫嚴韻

下家術業惜居諸手裏春風充棟書忽看東君敷位
育戾天鷲與躍淵魚

賡載永甫丈試毫詩韻

嫋嫋和風尤可人團圓同賞下家春毫端造化功成
處雲語雲牋相共新

和守勝弟試穎之韻

春到武陵源水涯，文林何處不尋花。
明窗全曙望，賜谷紅自昭回。五色霞

次惟三生元旦詩韻

野水江邊媚景新，三三五五採青蘋。
詩林到處應行好，燕紫鸚黃次第春。

次了的生試觚之韻

滿面雲霞江海春，看來物色一時新。
嘉時吉日須吟取，鷄狗猪羊牛馬人。

伯元生有歲旦絕句和其韻以投之

迎得三陽交泰春，敷于相酌獻酬頻。
東風二十四番外，猶待詞花日日新。

奉和家君鷄日律詩之嚴韻

春來黃鳥語丁寧，小子趨過家塾庭。
窗外溫風梅郁郁，塘邊漫水柳青青。
一枝芳韻映朝日，萬卷文書對壁星。
氣轉洪鈞八荒裡，無疆壽域到椿齡。

和十幽丈試簡之韻

新歲晴光意豁如，氤氳氣滿精廬。
番風只在南枝

上四海報春同一初

和康之丈歲旦擗管之韻

宿雪晴雲酌乳泓朝來欣遇夏時正黃鸝喚起起予
否一曲陽春認得聲

已卯鷄日荒尾君久成丈裁唐詩并倭詠被寄
焉吟翫之餘攀其高韻摘其末字作絕句二章
而呈座右云

江上新正賦瑞霞八紘四海悉為家士林何以堪
日勸醉春風可坐花

明窻風度硯冰開珍重歌林有秀才相望草茵花錦
處約君須待小車來

賡周哲生試兔之韻
春入南窻遲日永唔咿聲裏可知新街中雪遍鶯難
至梅在前村先報春

脇坂公在駿壘裁試筆倭詠寄之江城吟翫者
數回猥汚末字綴俚語奉投旅館下

駿陽到處向芳塵滿眼韶華悅可人一曲高歌如白
雪花開士嶺四時春

旅窓揮筆記春回三穗青松清見梅今日歌林如縮
地東風千里寄書來

春日遊文殊院卽席口占

淺草練拳移野山韶光稱意未知還深深花院松杉
下吟興聊偷半日閑

又代春長

滿顏光景慰吟情師友同行修社盟今日醉眠青草
上懶聞花外晚鐘聲

又代政俊

淺草春光興不此東風一樣思無邪寺前何以消長
日花底柳邊斟絳霞

此日奉和家君之嚴韻

梵界風輕絕點塵東州南紀一般春紅挨綠接相迎
接花柳眼青今日人

此日和了意韻

終日探芳陽艷天溫風淑氣物皆鮮坐來吟取滿庭
景花吐奇芬笑檻前

了意英年有鷄且試穎之佳作和其韻而投之

江上迎春鴻術家爐中丹藥酒中霞曉來忽借東風
力活水冰融汲井花

以貽之
村上氏子長吉初有歲初之詩需雌黃次其韻

倉庚鳴處語清新欣賞妙齡逢發春花柳無私學窻
外綠情紅意屬吟身

孟春二十二日夜應招如永甫丈亭會家君寄
賜絕句卷卻不措拜命之辱謹汚高韻以綴俚

語云典不此東風下時

同賞良宵燈火親千金一刻百花春新詩不克勸翁
醉座上高談此等人
又和前韻兼呈永甫丈

美酒佳肴對懿親投來高曲似陽春一篇酬和兩般
意半謝嚴君半主人

其韻
今茲正月二十九日乃祖五五遠忌也設齋屈
僧侶三四輩時淨家以傳上人作偈被示乃次

忌辰光景轉天車方寸愁情不有涯齋饌供僧孟陬

日紅霞酌酒雪煎茶

柴田君勝興被示春夜逢友之詩乃次其韻

同賞艷陽修雅會座間語意共寬閑蝶車忽被風光引
花塢夕陽猶未還

送康之赴西播

挹袖拍肩過十年相逢相別忽黯然神交不隔山河
遠蜀水湘雲萬里天

今茲孟夏脇坂淡州太守在駿壘時其太夫人
殂于信陽訃至太守慷慨悲歌而漏哀情既達

于江府乃塵其歌末字綴唐詩擬蒿里以投皇

弔慰之

慈母終天永別離孝心頭緒亂如絲淚痕滴滴旅檐
兩泣血杜鵑聲亦悲

七月九日遊河州太守井上君別業漫賦絕句

二首

秋應佳招江上邊筑波陰對士岩巖窗間縮地幾千
里關左八州亭子前

新築江亭興不窮秋陽半日向涼風此時此景吟望

潤北梅南橋青眼中

正允丈人赴豐之後州觀沉墮之瀑布賦絕句
二章杏菴法眼嗣響被示且勸余和之乃口占
以呈焉

泉簾千尺似流虹帝使銀河瀉此中借問水仙何處
在若非貝闕定鱗宮

聞說豐洲沉墮洲影浮銀海共搖眩鯢植湛處忽傾
倒濺沫支流成萬川

中秋對月陰晴不定

秋天獨坐到心清三五陰晴向曉更雲影相望行雁
影冥冥毛羽不分明

期得中秋逸興催桂輪明滅立徘徊仙娥粧鏡開將
掩后羿須應相逐來

仲秋丁日賦濂溪霽月以獻先聖殿

道統傳來千歲儒無邊霽月出天衢一輪映徹寸胸
裡便是渾然太極圖

今茲之春十如鈞夫太和尚賜幕下公帖滌
篆洛東山建仁禪寺夏秋之交來東武雷滯閱

日得登テ營拜謝既而請暇歸寺且受恩賜可
謂榮達余平素執方外交有年矣此行也又尋
舊盟屢修雅會臨別情豈易言哉乃綴律詩一
章以較之云

別後常常思此翁適來相遇海隅東武城幸甚浴恩
雨禪窟最初追祖風半夜銀燈情未盡千年石鼎句
猶工襪衣添得紅楓色當畫錦旋叢社中

山水畫贊

五十川道專乞之

占得名山勝水邊一間茅屋鎖風烟橫橋續斷通幽

處奇樹向榮參半天淨几明窗晴雪裡輕舟短棹板
扉前箇中料識主人意日日長閑似少年

冬白牡丹

十二月四日赴梅雲宅出此題

造化元無一物私冬天何使牡丹披貓兒不睡鼠姑
側蜡祭祇今迎換時

又代八

窈窕牡丹冬亦奇天香國色共相宜花如舞袂隨風
去想像雪中觀妓時

輦寺探梅赴金地院出此題

紅院尋梅遊覽人籬邊竹外逐芳塵破顏冰雪將微
笑臘底探支靈阜春

我鷲峰先生林學士詩集卷第二終

鷲峰先生林學士詩集卷第三

向陽前集三 寬永十七年正月至 同年十二月

庚辰試筆

鷲地春來事事新花顏微笑柳眉顰自今日永歆聽
處燕子呢喃誦魯論

奉塵家君試毫之嚴韻

斗柄在寅年在辰韶光所及悉知新黃鸝鼓吹五經
否雅樂紛綸并大春

和守勝弟試毫之韻

日自遲遲風自微烟霞千里發晴輝天倫叙樂芳園
裡坐了花前香滿衣

唐詩永甫試毫之芳韻

玉曆新開人統正雲霞出海一朝晴多般淑景須吟
取花有清香鳥有聲

謹和正意法眼試穎之芳韻

五行木德屬肝宮陰去陽來一夜中床上春風讀殘
處方書部裏註魚蟲

唐詩二章奉塵脇坂淡州使君歲旦和歌之末

字伏乞電矚

時逢端月賀初吉詞林花開不背律寸陰尺璧風雅
筵酒酌紅霞文塵日

陽春布德有溫潤風自和調雨自順一篇換得白蘋
花捧獻東君表明信

漫污金地大和尚雞白試觚之嚴韻

緝宇相攸輪奐新月正迎得祝清晨濟門騰茂松花
蔭萬頃銀濤千歲春

漫綴唐詩二章奉塵殿中監石川君庚辰鷄白

倭歌末字伏冀電驪

良辰羨景孟陽天滿面烟霞春色鮮花木猶遭和氣
春絲枝子葉永綿綿
文事武備人如玉幸祝開歲化風俗一觴一詠花鳥
前喜色歡聲共相告

百喜鳥

正月九日金地院正意等會千余宅出此顯

鳥語欣歡羽翼開花中絃管聽奇哉一朝百轉占鳥
鵲春似行人去却來

賡載良以雅友鷄日試觚之芳韻

物換星移淑景新金蘭簿上賞心頻拍肩挹袂須行
樂共見艷陽桃李春

庚辰雞日荒尾久成君裁唐詩一章倭語一首
被示乃攀其韻枝且摘其末字以投呈之

發歲嘉祥不有湮春遊喜見上林花明窓淨几揮毫
處一幅烟雲簇似霞

東風嫋嫋入霞盃暖靄氛氲和氣堆認得詞林黃鳥
韻君家一曲報春來

梅雲丈人有鷄日試韻之作乃嗣其韻

藥是衛生家裏珍，虛邪早掃孟陬辰。士峯遙認神仙迹，徐福來遊物外春。

庚辰鷄日伯元生有試毫之作來示，余披讀吟玩乃厚其韻以投之云爾。

曉來已卯變庚辰，陳曆卷收梅曆新。陽德亨嘉滿城裏，鶯梢燕奈易爲春。

了的生有歲初搦管之作，就余求雌黃且乞拙和乃應其末以投之。

雲淡風輕野水濱，文房同賞孟陽辰。米甌滌筆雪窓

影梅字行行勤學人

奉塵渭川大和尚雞日試韻之嚴韻

烟霞一抹語新鮮，祥瑞猶豐殘雪年。禮葉樂花今似古，洋洋盈耳武城絃。

良雲生袖試毫詩來示，求塗抹乃厚其韻以投之。

新歲歡悰無際涯，成童早寫筆頭花。朶雲捧出瞳瞳日，粧點海東千里霞。

庚辰陬月宗九丈有試毫之作來示，求拙和乃

口占以投之舊臘元丈有恙迎歲得良已故詩
中及此以祝之云爾

陽春和氣病須蘇椒酒在盃丹在爐梅耐殘寒君向
暖清容不似一枝癯

厚卜幽丈元旦試毫之詩韻

弟兄和樂共揚卮一曲陽春填又箎國俗朝來新識
味阿婆焦餅轉黃鸝

去歲之秋黑澤定幸丈求馬于奧羽是日
命也舍弟弘忠從其後而行今茲之春異事而

歸公程之暇弘忠記其所經歷者詩文若干篇
自繕寫爲一卷示余披讀之則縮千里于咫尺
坐我于二州之間者乎雖張千秋語烏桓之山
川暴利長得渥洼之騏驎何以加之嗚呼奇哉
余聞昔李廣利之到大宛也雖得其善馬未能
記其地形博望侯之使大宛也雖記其地形未
能得其善馬此二字者史策之所載古今之所
談其名昭昭矣而況今一舉兼二字之所爲者
乎可以嘉尚矣遂裁川八一章以投皇之矣

鈞命催裝驛路秋悠悠往事幾回頭秀衡數世領軍
務賴義九年誅虜酋阿古屋松猶陰樾淺香山并最
風流龍蹄今被孫陽顧冀北移來東奧州

河州賢牧井上君築亭于江上退公之暇數
逍遙以消遣世慮且詠後歌而寫其情一日招
余被示乃摘其末字以為韻裁唐詩二章奉投
呈之

高樓縮遠景滿目旬休招客情相睦江邊因懷主人
仁魚繞洲島鷗沙宿

海邊新成百子屋風外遠望千里舳江鳥睡熟春波
間仁心及物不射宿

上元觀燈正月廿一日正
意席上出此題

明爛無邊滿太虛高棚燈市百十餘月前花底蛾兒
影不夜連城壁不如

杏花即席時與守勝共侍家君
因命而作頗褒其神速

妖艷杏花春色鮮棄霞映日又籠烟村前定識牧童
指壇上猶聞太子絃

二月八日遊淺草文殊院

春應佳招阿練拏輕風疎雨忘歸家接鄰無迹觀音
老庭際櫻如小白花

院主裁倭歌被和余詩因再倚元韻

春日逍遙吟杖拏尋君來問梵王家歌林今想寒林
曉三寶鳥啼詞語花

文殊院席上次阿爺詩韻兼呈主翁

賞心樂事共何遶黃鳥尋花片片飛元是君家無障
礙明主彈舌縛魔妃

此日賡載守勝詩韻

檐間雨斷暖風吹春信花開欲裊枝空洞箇中函丈
室足容三萬四千獅

仲春仲十先聖殿釋菜賦三皇如春

千古皇風天下安陽春德澤悉欣歡若將青帝比黃
帝霞製衣裳雲紀官

又代道說

上古聖神天下名春風吹物化工成羲皇遺制今猶
在鼓瑟鼓琴黃鳥聲

又代政胤

繼天立極育蒼生太古無為不可名嶰谷谷風陽律
裏春皇瑞有鳳凰鳴

櫻花

安陪四郎五郎庭前即席

爛熳白櫻衝絳霞庭前吟賞思無邪人丸雲與貫之
雪千歲風流屬此花

季春朔日謹奉水戸黃門君之嚴命詣館下賜
盛饗恩之厚惠之深何以加之且得縱觀御園
之中花草欣欣而鋪錦茵烟霞簇簇以曝紅機
望中多景氣象萬千即綴俚語以寫其萬之二

云爾伏乞電瞞

滿自花開韶景濃千枝萬朵御園中白櫻自有太平
象瑞雪祥雲舞暖風

又

高第春遊思不群櫻花風度更紛紛枝頭爛熳官園
裡武野遙望吉野雲

此日重應黃門君之命賦水殿賞春詩

水殿逢春到晚鴉波紋添色似流霞韶陽移影池亭
上浸得花成兩花

武陵桃花

三月十八日會於良以宅

花與勝區名最高武陵流水記遊遨仙源今被世人
訪洞裡斟霞醉碧桃

和守勝弟惜春排律之詩韻

四時之勝狀無如春九族之和樂無如兄弟余於
守勝同胞之親而左右之手也團圍好翕怡怡如
也况遇艷陽辰賞無邊景乎池塘春草之夢彼既
為惠連我獨慚康樂也吟風弄月之興彼雖慕正
叔我何望伯純哉勉旃勉旃想夫人生如寄離羣

索居者古今之間雖天倫亦不能免也所謂亮之
於瑾無奈吳蜀之遠隔軾之於轍纔許瓊雷之遙
望其餘者姑舍是勝也吾與汝共產于西京同遊
于東武千里江山十年夜雨未曾有一日離咫尺
之間不亦樂乎且椿萱在堂常受家訓盡橋梓俯
仰之禮獻龜鶴長生之壽省定溫清庶幾不懈也
不亦悅乎然猶恐未至于其可也只所願學在二
程而已耶今茲三月之晦守勝賦排律以惜餘春
繕寫示之披讀數回歎賞不已因和其韻以投之

且記所思如右其詩云

韶光淑氣樂融融感物惜時驚
化土佳月照梁虛室
白短宵隱几淡燈紅
花言鳥語似未友
山色江聲不換公
四序相移烟景過
三春將去綠陰濃
早晨先聽典謨
讀長白猶期庸學
功借問群芳委
何地一簾新雨
一簾風

又

每遇良辰吟意融
多般韶景共同工
竹如君子吐寒
玉花稱狀元飄
爛紅沂水舞雩
追點也泗濱芳
躅慕

文公霞間天霽暮雲淡
木末雨收朝露濃
健筆挽春尤有力
遊絲繫日奈無功
曉來蒼帝執龍馭
萬里遙歸汗漫風

六月二十三日應佳招遊佐久間親衛校尉之

別墅而漫賦律詩一章云

天生安樂主人翁
別業經營悉極工
清味甘瓜消酷暑
茂陰佳木向涼風
圖書潤屋幕
耶律泉石滿庭思
衛公長白逍遙看
不足一樓一閣數間中

奉和松平伊州太守忠晴君立秋倭歌之末字

云爾

白藏金氣這般中忽挽蓐收推祝融歌律為成夷則律清商一曲唱涼風

七月六日遊郭外之別墅晒家塾之藏書篋笥居多簡帙累重凡數千卷道學淵源之錄歷代古今之史方外諸子之類唐宋諸賢之文其餘至小說之記百家之編無不畢備也惠子五車鄴侯萬軸酉陽遺文李氏山房豈外未哉若使季仁見之必曰達一願而已彼石渠天祿東觀

弘文者天子之事也不預我事也嗚呼古人曰詩書勤乃有不勤腹空虛可不思乎縱雖不具五行俱下之眼而得一過即誦之才所慕者夙夜不懈三餘可惜而讀破此萬卷者可乎好是明日幸迎星夕今日晒書非無意也小絕亂道
晴晴秋陽除蚤蟲新涼舊籍一時風看來萬卷雖過眼空洞腹中慚郝隆

中秋雨

無奈中秋失月明坐來天道本虧盈虹橋路絕仙宮

曲霓羽猶傳夜雨聲
攀桂蟾宮欲競先
中秋雨起恨綿綿
婆奴耻見少年
否塗抹掩奩三五天

重陽口號

陳迹何尋戲馬臺
籬邊猶望故人來
不逢九九逢重
九萸佩消災又菊盃

增上寺雪念上人執終之時拾遺讚州賢牧忠
勝君裁道歌被禱焉拜讀之則言外活句也豈
做尋常詞人之看哉如余應其肯謹摘高歌未

字綴俚語一章以代上人之緋謳云

淨域芳名最藉甚
訃音和露淚沾社
長眠不醒向秋
風料識天地是衾枕

靜 岡田淡路守未之

人生而靜以上不容說是寂然不動也在我而不
在物也水流而境閑花落而林幽故定而靜而慮
而得矣是感通也吁世人忙了也我願向箇中遊
抱獨有荷求休休早自休秋江馴鴨野水愛輕鷗
香帳烟縈鼻茶爐雪入喉世人忙裏老誰向箇中遊

奉送金地大和尚賜暇自江城歸雒之龍阜

飛錫江夫行路安，龍山獨秀五雲端。
禪林春近向仁澤，的泐流長起辯瀾。
一確曹溪衣可附，十翰雪竇視無乾。
西京有問師來意，栢樹庭前冒歲寒。

十一月晦日應招赴賜坂安賴宅時主人有倭

歌漫摘其末字以為韻作唐詩投之

新亭豈可等閑回，海物山肴酒滿盃。
次第番風約君去，小寒一候早梅開。

題歸去來圖五首即席

解綬歸來避世氛，蒲庭氣象木欣欣。
園中若有寄奴

草寸寸耨擾定可耘。家君批曰：擬野草無端亦姓劉之句，可乎可也。

斗米何為迎督郵，琴書不肯換公侯。
杖藜安步小園

外陸則巾車水則舟。批曰：善道陶公之心，出來不誦不，屈不憂貧窶于策于步于舟。

車何處不堪行，况有坎止流行之趣乎，句亦佳。

泉水涓涓聽始竒，無絃琴趣有誰知。
眼前勝景曾中

妙丘壑清流皆是詩。批曰：豈唯與竹山水有清音亦可也，况彼寫胸中妙乎。

田園依舊引壺觴，松有清陰菊有芳。
徵士豈忘三顧

意西疇有事似南陽。

昨非今是老洲明故里團圓親戚情童稚門前雖可

喜他時責彼不啁嚶右五首家君以尤韻詩為翹楚親筆之於圖上末二首無批語

以其句頗
卷之故乎

冬日遊文殊院時有雀飛集庭樹漫口占一絕

以呈院主祝之

朔風招我最下寧緝宇寒林可一庭神雀飛來太平

象萬年枝上是冬青

和守勝第十雪詩韻并引

季冬嚴寒朔風吹面玉樓起粟銀海生花案頭無

事筆凍手龜時守勝袖詩卷示焉披讀之則十雪

之吟也雖做皇元風雅集之所載其品類不同蓋

學古人而不為者也想夫雪之事跡古來最多興

趣之異不可枚舉也如今所題詠臺丘之雪者天

子之事也梁園之雪者諸侯之樂也東郭之履者

滑稽之所為也王恭之斃者神仙之彷彿也謝庭

之絮者高才之見也鍾山之竹者宰相之志也長

安之驢者移灞橋之思藍關之馬者望潮陽之遠

越州之大雪見於柳子之集歧陽之微雪詠於蘇

公之詩孰取之孰捨之其可否不可不擇焉嗚呼
勝也好學不懈賞雪不已則工夫自茲向上而顏
子之爐伊川之門豈他求哉勉旃於是毛穎子進
曰令弟能言詩足下其緘口乎曰渠旣得龍珠余
何探鱗甲乎穎屢請之乃繼其聲使穎書之云

姬滿丘雪

黃臺丘上作遊觀無賴雪花飛散漫影似瑤池池似
盃宴酣不覺外邊寒

孝王園雪

司馬鄒枚得得來夾池脩竹雪猶堆詞花恰似寒花
潔吐玉梁園賦客才

安東郭履雪
一天栗烈雪寒些清影隨風橫又斜敗履唯疑躡珠
玉春申客逐楚鞋花

王恭斃雪
白白紛紛世界銀王恭乘興賞清晨他時司馬寒如
此鶴斃猶溫雪裏人

道蘊絮雪

羯末封胡雪自圍高才謝女古來稀
六花似絮絮何似風外毛毬撩亂飛

白介甫竹雪

青苗助役事頻繁豈憶鍾山雪竹
墩雪有風聲竹如笑燕寧天下是私言

天浩然道雪

長安雪裏思悠然驢背吟詩瘦
及有寒兔不奔沙雁落飢鷹雖凍可于田

關雪

遠別秦城千里行不嫌關雪見
公程忠肝凜凜潮州路佛骨既枯詩骨清

子厚越雪

越雪稀看冬日餘儀曹猶未失
聲譽蒼黃忽被玉塵深一吹寒雲變白歟

子瞻岐雪

秋晚微飛六出公岐陽片片舞
西風雖憐宿雁羽毛冷雪後月奇幽桂叢

季冬詠雪漫賦排律

一篇禁雪片鹽玉梨梅練

絮鶴鴛鴦蝶飛舞皓白絮素等之字蓋慕醉翁
坡仙之遺風者乎

斯時斯景二難并顯帝司權降六英高積檐間猶聚
散顛狂風表自縱橫晉人曾愛趙襄日唐將急屠元
濟城征馬迷泥掌險苦遺蝗入地賀萊平疎枝密密
孤松老負節亭亭脩竹清眼見寒光來幌色耳聞暗
響打窓聲溪邊冒曉猷尋戴門外雷晡楊侍程凍殺
肌膚起鱗甲支離有骨縮龜頸爭禁銀界冷稜鐵欲
乞青州借援兵裘代温衾圍獸炭筆揮冰箸向蜾蝥

鳥逃簾隙千山影鯨濕燈前一夜明永叔不留和仲
去聚星詩句有誰賡

嘉平二十五日節分之夜與守勝同侍家君時
賦唐詩二章被示之即奉和其芳韻

三陽迎泰漆書韋四隊追讎畫袴衣我似周兄無辨
菽翁如伯玉尚知非

豆菽年來在金熬手中輕擲數聲高鄉讎立作孔夫
子鬼似萊夷夾谷逃

季冬二十六日立春也脇坂淡州賢牧被裁和

歌明白讀其館得許管見即座摘其尾字以為

韻口占一絕奉呈之

一歲未終春已回
墻陰雪解谷風來
菜盤隨例羅前
處味外新詞有味哉

金龍臘晦漫賦律詩一章明春歲在金蛇故未

句及此云

白駒過隙駛陰忽三百六旬陳曆終
蒼玉變輿迎太昊赤衣鼓吹助
偃童藜燈守歲不須睡糜粥奈神猶
送窮蛇首將搖龍尾退夜分交影
硯池中

香峯先生林學士詩集卷第三 終

鷺峰先生林學士詩集卷第四

向陽前集四

寬永十八年正月 至 同年十二月

辛巳鷄旦試毫

去年講涪翁詩故及此

膠錫喫了又椒觴新歲新詩慕豫章
一朶江梅如綺袂春衣占得帳中香

奉塵家君雞日試韻之嚴韻

筆倒三江硯掛湖文波春暖字何癯
追還隨柳傍花跡日日脂車又秣駒

和守勝弟試翰之韻

和風舒嘯上東皇素謁春皇相共遭一笑他年狀元
第四絃鶯滑鬱輪袍

藏祿吞渠方寸心雲霞窓曙惜分陰千言萬語自茲
始一曲報春聞鼓音

和永甫丈元旦試穎之芳韻

一幅烟霞出石泓韶光滿面可憐生唯嫌冰雪鶯難
至要聽南窓春誦聲

賡載良以丈鷄白之詩韻

萬紫千紅共盡妍詩聲鳥語攪朝眠笑他花月流連

去殘書攤書少壯年

了的生有鷄白之詩次其韻投之

度朔山神早掃邪遊人想像洛陽花他鄉吟盡多般
景草際風光海外霞

厚伯元生元旦試簡之韻

凍筆叉魚袖海闕吟腸吐句不邪回要須詩思清人
骨臘底雪殘年後梅

良雲少年有試毫之作舊臘椿府梅雲丈應人
之招自江城赴羽州故其詩中及此葵亭林子

見而奇之繼聲以贈之云爾

暹日和風幾度迎
父遊與羽子江城關鷄待且白河
畔遐想行人記用正

康之丈往年從五馬之後自和州徙播陽去歲
又來于江城今春有試觚之詩即和其韻投之
仕宦曾無倦怠期句芒迎了送脩熙和州西播又東
武三處春風一樣時

隨例厚卜幽丈試翰之韻

番風花拆兩三枝
一盞霞浮一笑嬉處處吟行如蹈

玉街中春雪馬蹄遲

漫摘脇坂淡州賢牧歲初倭歌之末字綴唐詩

天公二絕奉呈之去年有
鈞命許可其養子其意
見於倭歌故詩中規祝之云爾伏乞電囑

新年栢酒獻酬頻
花笑檻前開絳唇
孫子本枝榮茂
處大椿猶祝八千春

黃鶯一曲太平枝
雛子聲新唱和時
十倍鵲橋霜夜
白曉天宿雪託家持

和宗允丈鷄白試觚之韻

嬾嬾東風吹學廬一觴一詠賀春初
新年依舊文房友陳楮毛陶那卷書

大中大夫源吏部忠次君有鷄日試韻之倭歌
大舊年新館經營事了移居焉故其倭歌及此余
幸與君有識荆之交不得默止謹摘其尾字綴
唐詩以奉呈之伏冀覽

天公一夜挽春回大厦新成梁棟材
歌管樓臺花裏鳥依條燕賀寄聲來

拙齋丈有鷄日之詩乃因其韻口占一絕贈之

和氣云來花草蘇光陰如駟奈斯須
東風吹煦陽春脚可跨九垓爲大鑪

漫塵殿中監石川君歲旦倭歌之末字以爲韻
綴小詩一章奉授之云爾俯冀采覽

穀名藉甚稱英傑明窓賞春最怡悅
新年清詞玉不如絕勝梅顏破冰雪

典膳郎大久保幸勝君有鷄日試韻之倭什被
許管見乃因其尾字作一絕以投呈之

晨鐘一敲發深省良辰先賞初春景
柔雲深出語句

霞雲有光彩霞有影

荒尾久成韻士自駿陽寄歲旦之詩章倭什於
武城被示之乃繼其遺響以贈之

無嫌駿武隔烟霞千里東風同一家筆力挽春雖縮
地他鄉花奈故鄉花

窓前土嶺勢巖崕殘雪漲溪欲濛瀛萬頃銀濤三穗
松春敲盈耳吟情動

黑澤定幸丈及令弟弘忠新郎與余相知有自
矣今春弘忠有試毫之詩乞雌黃年初多事未

追細評之漫和其韻投之

新年猶祝揚家業難弟難兄是二方期得天倫成樂
事芳園桃李可飛觴

今日遊腸坂淡牧館即席賦若菜

遮莫餘寒殘雪時新年嫩菜已參差野邊摘采春衣
禩行樂如歌采苾詩

小島知孝丈以善書屢出入營中仕官之暇

好讀書今春有試毫之詩乃和其韻投之云

玉漏敲中鷄報晨烟霞草木悉清新筆穿宿雪東風

手寫出郇雲一朶春

孟春十三日遊文殊院席上用乃翁韻

寺前雲海泛征帆水濶春温波不嚴花似東風薰百
和博山閑靜絕塵凡

是日即席用守勝詩韻綴川八一章

時夜已二

了衆皆欲歸去守勝卒賦律詩即和其韻採
筆不休其間燭纔半寸也院主應目及弟子
立詮擊節嘆賞服其神速

莫謂二教儒釋殊神交方外寄斯軀主翁今日侍江
府法嗣舊年來帝都佳詠及歌先可賞伊蒲盛膳最

堪娛席間相遇新知味酒有杜康茶有盧

了的生來告以歸洛之事且求祖餞之詩余亦

離索之情不可默止故走筆亂道贈排律一章

絕句一章云

忽辭東武向西京驛路山川十日程窓外烟霞凌海
曙望中暖靄待風晴雁歸雲際橫湘左馬繫柳邊歌
涓城一別雖追花影去重來更在綠陰迎二年寒暑
遠遊客萬里晨昏孝子情士嶺雪殘飄素羣皇州春
淺轉黃鶯候芭問字屢尋我匡册說詩須憶卿莫鎖

關門相坂水何忘江上白鷗盟

春風千里得西歸彷彿隅田都鳥飛故國少年如問

我梅花窓下一深衣

杏菴法眼自尾陽被寄雞日誌毫之詩乃攀其

韻枝裁二章投贈之且答其來示且寄之遠巖

云

春味嘗酸憶石皤君家松下有龜蛇嬌鶯千里霞關

路便是雲間第一歌

不論沈瘦與潘皤視浴冰融影動蛇江上通潮鳴海

漏春風寄信贈君歌

又吊佐久間氏失令嗣

爲人之父止於慈爲人之子止於孝天下之通義

古今之太綱也文度不離懷祖之膝子安得爲福

時之癖父子親愛之情一日不見則其心不能安

焉然況於終天之訣乎親衛校尉佐久間實勝君

之令嗣自去冬嬰病起居不安飲食不常千金之

方不能治之十全之術不能施之不能無憾於歲

除之方相不能無情於壁間之鐘馗然無奈之何

及春大漸正月十八日忽蓋棺了聞者無不哀悼
之况於椿萱乎余常謂君仕優歷年食祿數千戶
則其富可以潤屋也春秋已高而知天命則其壽
益無疆也且有此令嗣幼敏穎悟可以克家則其
榮彌可見也雖華封人之祝何以加焉不圖今日
遭斯憂也追慕之思不可言也向來春遊之日繫
細馬於楊柳邊打流鶯於海棠下者其誰歎林間
反哺之鳥恠孝子之猶在堂前輕舞之燕疑春魂
之化來靈牌一瓣之香嶺頭數枝之梅魂兮返來

是耶非耶悲哉溟漠若幸有知則豈不有非熊之
再生乎嗚呼卜商喪明顧雍搗掌古人之所戒也
君其可不思之乎小詩一章聊代緜謚以助其餘
哀云

人生一夢古來今惆悵髻年傳訃音昨夜前村風雨
惡紅花濺淚鳥驚心

太田備中守席上折桃花一枝示座客并上河
內守俄令余作詩即應聲而索紙筆口占五言
小絕云本多能登守本多伊勢守本多豊前守

久世三四郎等同在其席

桃綻最清新一枝絕俗塵仙源今又古猶祝武陵春

三月二十六日應石川殿中監之招赴新築之

亭子眷遇甚渥其佳景不可勝計也遂賦律詩

入坐一章寄之奉謝焉

屋榭臨池數十間清風亭上對高顏藤花波動移田

子櫻雪天晴映富山柿本遺容歌響暖茶仙扁額仰

望閑遊人強被黃鶯引終日春輝不許還

律詩一章寄尚舍奉御石川君謝其佳招也君

取其末字茲倭歌以賜之披讀圭復舒卷數回

再和前韻奉呈焉云

後園庭際幾茅間休暇逍遙時慰顏濺濺細流泉畔

石登登小路屋頭山桃櫻梅李三春過書畫歌詩一

日閑光景無邊看不足吟遊只帶夕陽遠

百鳥圖 吉良上野介
義彌求之

宗廟齊臺戎事齊力田獵齊足其要皆在焉也籠

馳詭遇亦不可不知焉百鳥圖注意於此則可乎

豈如百梅百菊之慰目而已哉

鶴峰先生林學士詩集卷第四 終

鶴峰先生林學士詩集卷第五

向陽前集五 寬永十九年正月至
同年十二月

壬午元旦試筆

鴛鴦在園林梅在牆天葩吐雪對朝陽東風千里新年
馬壯志猶馳翰墨場

又 自去年預諸家系譜編集之事

桀雞報旦起孳孳白雪和風吹墨池朱線黑虵諸族
譜依佈霞彩映晴絳

奉汚羅山先生試毫韻

街雪高深最凜稜習風一障惠然與春詞何用賞工
巧不鏤陳三黃九冰

漫和杏菴法眼壬午試毫之芳韻

君家鴻術秘靈方西塔屠蘇是醉鄉化育春風萌動
草醫林分種慕炎皇

新歲嘉祥福祿申他鄉吟賞宦遊身餘寒未去弊衣
雪和氣先來麴米春

和守勝弟試毫韻

酒酌椒盃水井華新年知味叩齧牙探花相待鰲頭

日詩戰談鋒鈍莫邪

奉塵從四位忠次君試毫倭歌之末字

明牕斐儿對筆硯彩雲朵朵霞片片梅字映雪清於
瑤佳什不可尋常見

漫摘立詮僧都試毫倭什末字

不論朝市與林院同逢新年共歡抃士嶺牕外鼎峰
雲千里春雪撥簾見

賡載卜幽丈試毫之詩韻

絳霞簇簇錦成堆次第春風花信催牕有色香尤絕

勝一條柳眼一枝梅

仙竹英年有試韻詩即繼其韻響以投贈之

新正相遇祝嘉辰可惜吟牕駒隙頻鳥有好音花有色千金不換少年春

和永甫雅丈試毫詩韻

春風到處物光加嘉慶今朝不有涯一曲黃鸝敬鳥曉
夢覺來園裏數枝花

嗣韻了的生試東之詩以投焉

八荒春到大哉元淑氣熙熙日自温吟了東風飄白

雪新年整頓王乾坤

厚伯元生試翰之韻

紅霞白雪簇相連翠柳玉梅清尚鮮墨沼冰融淡如水
冰舊交不變又新年

漫和龜菴丈人試韻之芳韻

藥局迎年樂幾般鳥甌藍尾可防寒春來欲約相逢
處雪在紅爐霞在丹

奉和金地大和尚試毫嚴韻

一陣東風解凍辰健毫滌雪忽鮮新津津和氣祝遐

壽門外青松庭砌椿

幸遇高僧先歛容新年飛錫問吳儂故園不隔春風路寺在五山之上峯

嗣韻拙齋文壬午試毫之詩

相遇相知年若干欣欣花草賞心寬雪殘猶映讀書眼何不見醫家熊膽丸

孟陬十二葺過文殊院時立詮僧都示立春之倭件即汚其末字

招提隨例菜盤堆年後梅花多又開應是春鷓鴣尊者

在依佈三齋一聲來

函三子涉獵唐詩而標出杜審言陳子昂貞曜先生浪仙玉川五子之詩與古人三靈四妙之編十二先生之集可并按乎想夫少陵詩法出首審言則所可注意也猶魯直之於黃庶二蘇之於老泉也子昂者海內文宗而黃金以可鑄之晦翁猶慕之則且與審言爲初唐眼目也虛也賈也孟也皆名家一體不可不知之今所採者豈啻哉然所願者其在審言也吾雖不敏與

函三子同步驟少陵之迹而淑艾於家法之萬
一是所庶幾也函三子編集之意其在茲耳勉
旃今夜了的來訪而繕寫五賢詩時嚴君賜律
詩於函三子且示的生而傳語於余韻險而難
和明白將講詩經故不能鍛鍊而漫汚其韻又
告的生云

日暮江頭逢不迷多年萬卷共相稽茶歌腸潤活湯
蟹吟苦瘦生寒夜雞杜子詩才有傳授陳公感遇慕
評題今宵雨雪燈前友笠屐歸時似訪黎

家君再倚黎字裁律詩賜之於余及守勝守勝
乃繼聲以呈焉余亦和之規祝之

六朝淫靡世皆迷伯玉能鳴獨克稽賈嶋幽居吟樹
鳥審言妙處擬家雞龍追雲影交猶久松對寒流詩
可題小子趨庭何所祝太人黃耆又陳黎

賜坂君自信陽寄書於東武以示試毫倭歌一
首乃撮其尾字綴唐詩一章以奉贈之
倭什清詞字字新東風入手幾吟呻不論海道與山
道一色烟霞兩地春

美譽芳聲尤拔群信陽百里遠思君八雲軒下高歌
響傳語春風到處聞

黑澤弘忠文被示歲初之詩余欲和之蒼皇不
遑焉既而弘忠嗣余試筆詩韻以寄之於是余

亦繼響以投贈之匪報也永以為好也

門前嫩柳塢中梅殘雪映詩俱美哉鳥有管絃花有
語春風吹馬似歌臺

孟陬十八日過金地院席上出一題

青春入睡

遮莫春光草際浮一場幽夢又何求風前欲卧未央

柳泉砌不驚靈隱鷗

遠峰殘雪

宿雪半銷春色回東風吹盡遠峰開龍山千里南禪

寺瑤影灑灑先認梅

辛巳春二月七日有鈞命編集諸家系圖使

太田備中守資宗監之家君副焉於是資宗與

執事者相議以諭告之上自列國主下至微祿

小臣各捧其家譜以寄於資宗宅家君討論之

自春至冬與資宗相會者不可勝計也每日無
不通書其勞煩最甚余亦當代家君預其事也
季冬朔日資宗家君及余等會於城外誓願寺
以集儻書者十餘人而使書寫之諸譜之中漢
字者別爲倭字倭字者又爲漢字副之各以爲
兩通也或有不知其出自者或有認他祖以爲
我先者訛謬錯亂尤多家君及余日自赴寺撰
其詞作其圖刪其煩亂正其錯誤且與資宗相
議使諸生若干人往寺草藁之校讎之至同月

十九日暫罷之以歲暮在近也嗟乎源平藤橘
之族菅江紀清之流其餘諸氏及未勘者幾多
乎方今蒙官祿者無尊卑無大小凡三千餘家
各尋其本始記其軍功其世世相傳者雖一通
或三四十葉或六七十枚然則全篇成時其必
及數萬紙乎何日終功乎未可知之雖宋太宗
編三大部明成祖集永樂大典爭及之哉我
朝未有如此之大部書也子的伯元二生同預
系譜事今歲壬午孟春十九日的也元也來訊

與余談話及此事其勞倦之情見於色益於面
時家君賜律詩一章函三子與三生同和之余
亦繼其餘響云

久稽群系歇猶疲無奈雲仍遠正知瓜瓞連根何異
種檳榔生子欲分枝看來案上鴉翻墨寫出圖中藕
亂絲諸譜記功多益辨須思韓信龔臨淄

四月十六日赴見樹院見牡丹院主有詠歌即
口占和之

牡丹爛熳入吟哦倏竹早成佳興多精舍占成香積

界尋花甘自豈之他

八月三日招五山僧侶十餘輩綴小詩一章以

謝之

五山僧侶自去五月預諸家
系圖編集之事在江戸

湘左相逢憶洛陽高僧枉駕一茅堂當時嫩桂分枝
後風度叢林聯衆芳

中秋會於文殊院五山僧侶等會者二十餘人
以藕子美中秋松江新橋翫月詩雲頭灩灩開
金餅水面沈沈卧彩虹佛氏解爲銀色界仙家
多住玉華宮之一聯示衆分闡各得一字以賦

之金地院良長老良岳院且長老家君及余得
二字余賦界住二字

江上中秋月如畫良辰美景得佳話仰看十分輪影
清銀潢元在天左界

三五秋來情景聚縑素相對得奇遇蟾光滿地一天
涯雁影連雲萬里路樓頭添得度亮遊席上讀過希
逸賦金風玉露騷會闌吟心自生無所往

塵腸坂淡州太守中秋倭歌末字

中秋相待仰天文薄霧昏昏殊未分談露滴珠雖照

夜月明猶惜隔江雲

九月廿二日會於文殊院即席舉本朝中華名

地人物二十件以為題闡探之各因其次序賦之

以倭謠詠漢事以唐詩賦倭事而寓一時之雅興

云爾予得一題

更級月

更級勝區秋月輝曾聞姨母棄無歸信州照映鵝湖

上山下清光白板扉

鎌倉右大將

開府錄倉鎮大倭兵衛森森戢干戈八州勃起東關
地萬里平夷西海波啞鳴幽憂流徙久鶴岡默禱瑞
禎多威風草木知名處猶唱長明一首歌

閏九月十三夜月

小重陽後向櫳櫺蟾魄娟娟影滿庭須惜月餘攤萬

卷十三夜讀十三經

社頭祝

賜坂淡州太守亭即席出題

靈神如在奈幽溟地久天長欲祝齡實實枚枚闕宮
砌千年松柏四時青

暮秋聞鹿

青木主殿助求之

鹿鹿聲幽聽始奇晚秋感物更生悲野萃不入猿丸
詠山下啣啣楓落時

寄露無常

同人求之

無常人世是尋常朝露何曾待夕陽憐殺金莖盃底
物茂陵草際結為霜

和見樹院主紅葉倭歌尾字

閏九月二十二日

秋晚楓殘猶傲霜纖纖林雨對斜陽葉題鴉字促詩
景色深燕支添錦光

文殊院席上舉十京十都十社十廟以為題會者
九人探闢以賦之余得五題

福原

一旦遷都苦度黎平家挾帝固根柢福原臨幸遂為
畿四國九州西又西

燕京

燕京勝地甲乾坤耶律完顏奇渥溫二帝蒙塵憐五
國三朝左衽取中原伯顏軍進馬鞭動郝氏書來雁
帛存今古興亡渾如夢遼金過了又胡元

熊野

蓬萊元在日東邊熊野三山相共連徐福遺祠須認
跡冊尊幽魄欲通天社於南紀靈威著名在中朝御
句傳記得神仙留此地松根琥珀幾千年

武丁廟

商家求得旱霖臣克總百官臨萬民西伯高宗同夢
否渭濱叟似傅巖人

泰伯廟

斯人至德有誰知千古江淮存廟壝二讓因遭夫子

稱五深公就外毀三潘祠

壬午秋末即罷飲无妄之藥十月朔日公務之暇
召金地翁十如良岳兩長老清住西堂文殊見樹
兩僧都青苔黃葉之庭不堪半掃麤茶柴火之爐
於焉始開即座採一本朝中華之故事兩兩相對
以爲一百題各探之賦之始于秉燭成于折墜聊
添席上之佳珍以助卧內之寸匕或云問毗耶之
床乎或云愈魏祖之風乎余既祝哽守勝祝噎的
元兩書生在其列惟夫古人雖至老且病而不廢

讀書之即罷有之乎南殿自鮒荆楚黍羹以今日
之時令故取之爲破題於是乎序余得十題

那須野狐

狐竄那須廣莫邊磬控縱送即于畋那妖元是不勝
德九尾難逃牧野天

蜀野蹲鴟

西蜀蹲鴟名久彰勝區異產豈尋常芋魁點畫誤二
豕野外看來是匪羊

岐岨山

齊詩集 卷之五

山在信陽今古聞
岐阻險路最勞勤
河流繞谷似懸
水棧閣登天如接雲
奮起一朝思義仲
指揮百戰破
平軍我邦蜀道常艱
處鋸齒羊腸不足云

盜泉水

忍渴何人惡盜泉
流行晝夜自潺湲
實實登識水為
主踣躄謂廉其不然

遠珂城

廣繼茲謀勢氣隆
遠珂松浦起腥風
橫行西國雖挑
戰委任東人早立功
烏使竊通閨問
裏駿蹄飛入海

波中妖靈彷彿良宵厲德報怨讎
管鏡官

十三歸臺

霸業功成不若徒
三歸新策管夷吾
家雖繁女臺何在
齊國勞民豈儉乎

刈萱關

西方巡狩建朝倉
天智威風帝業昌
雖施刈萱關外
政豈圖子弟閱蕭牆

繩橋

橋在山中不得升
蜀途戰戰又兢兢
若論唐帝蒙塵

齊詩集

卷之五

十三

處萬仞險心危似繩

僧正遍照

曾侍承和玉宸傍苔衣滴淚暮天皇羽林捨世緇林
際人在花山名亦香

韋應物

東隣亡命里中橫忽入詩家得美名典午唐家平淡
句須將應物配淵明

十月十一日會于金地院舉十嶋十洞十器十服
十將十相十情十恨十妍十媿十仙十君十草子

十稗說十職十祭為題探闡得十六題

多禰嶋

一洲縈曲海西中多禰傳名千里風昔聽鹿皮輪貢
產今看鳥銃得良工

申陽洞

巖巖深窟扁申陽千歲獼猴奈異常若匪李生飛一
矢洞門路絕鎖錢娘

瑠璃燈爐

富貴平泉一瞬前奇珍雖貯國無全瑠璃不照燈爐

冷舊館草深籠暗烟

狐白裘

狐白蒙茸公子裳
幾人裁服立朝堂
妖精曾入此裘
否忽誰秦王脫
孟嘗

忠文

宇治戶部最英雄
嚴肅威名塞草風
北闕一朝承詔
命東關萬里督元戎
槐門繁茂九條殿
枝葉飄零小野官
兵勢遙傳凶賊殲
誰言此將不成功

鄧禹

竹帛功名永不刪
鄧侯輔王幾嘗艱
滹沱熾火吹炎
德漢室中興二七間

逢戀

人在深閨難得窺
蛾眉螓首兩相宜
清容如月膚如
玉一夜西廂邂逅時

臘無二白

嘉平最恨雪花枯
况又民生憂稅租
額帝何為忘號
令須教滕六作先驅

虎

十郎與虎結婚姻，金石交堅不厭貧。綠髮花零圓頂，
上笑看世上薄情人。

夏侯惇

昔日夏侯多戰攻，一時中矢鏡慙容。魏家若論用兵，
將克用前身獨眼龍。

生馬仙

元是異人相遇難，誰追明達入山巒。膽駒植物豈凡，
種海棠仙瓜同一般。

翊聖君

翊聖神君降自天，守真妄說豈真詮。金兵來處失符，
命被髮雙眸空凜然。

虛

曾聞俊景入他方，富貴榮枯憐少娘。琴曲依稀烟雨，
笛一聲彈破翠崖岡。

搜神記

搜神讀了悉浮言，寶文才筆法存鬼簿。從來無用，
事豈將南董共同論。

中務省

職至書名不輕佩聲滿耳鳳池清省中王子弄文
筆前有兼明後具平

泰昭

不論蔬菜與猪羊屢禱泰昭除禍殃肅肅神風來格
處禱祠過了又蒸嘗

十月二十日應佳招與五岳英衲同赴石川太
中大夫亭時賢息播州太守阿州太守裁倭歌
以被示之即漫塵其尾字奉呈之

最欣治世有英雄冬日來遊高館中言葉須兼松柏

茂詞林風秀士林風

緇素相逢東武陵主人治具對書燈歌仙堂上茶仙
畔六義清風心自澄亭有歌仙又有茶仙

林間孤塔

金地院求之

樹際塔波營一基紺園風物眺望奇數層霜古雁來
處九澤林高鶴峙時湧出西天多寶佛現存北寺悟
空師愛看東海移孤影景與暮淮俱入詩

壬午仲冬五日會文殊院舉本朝十松中朝十
梅以為題各探闡賦之余得二題

一夜松

北野神君德且天松生右近馬場前殿庭桑穀莫相
比一夜清陰千萬年

宮崎松

宮崎社畔對蒼宮矗立茂陰神德安樹樹風聲桑域
外八旒幡下伏三韓

陸凱梅

梅花風信最清新陸范曾聞邂逅人別後江南遐想
處暗香吹送一枝春

正意法眼官仕于尾州往來于東武與余執淡
水之接者久矣頃月因官命修撰諸家氏族
譜時法眼同預焉而相會於公席不圖因宿痾
蓋棺于江府旅舍時壬午仲冬廿其之夜也嗚
呼悼哉余於法眼平生忘年恰似禰衡於孔融
玉我於阮籍乎今日哀情殆如是善於良香賈
之於友則乎律詩一章聊代生芻云
霜露多年西又東黯然永訣淚無窮一朝江上波何
惡百里尾陽潮不通倭錄讀殘攤漢籍醫流漲起慕

儒風明認寒月雖沈海猶照遺文軸軸中

竹雀圖

箇竹亭然雀來賀渠思與大廈相同可憐人世不知
止枝上啾啾葉上風

十二月朔日過木多內記政勝館時出畫軸求

寶披見之則一籠盛梅椿兩花之圖也即口占

以筆之於其上其間燭纒寸餘也

梅椿入畫共清新籠裏花開絕等倫遐筭暗香并一

美一枝春色八千春

壬午臘月一賞金地大和尚請五山諸彦以催

雅遊余亦雖被招有故不赴焉遐想之餘賦律

詩一章以投呈之供座中之莞爾

邂逅高堂各會同故園千里寓江東紫衣黃綃茶烟

上玉句清詩石鼎中北闕望雲諸老宿南禪縮地主

人翁濟門松蔭歲寒色五岳叢林一樣風

季冬六日會於文殊院舉十浦十園十力士十刺

客以為題余得其五件

明石浦

景入歌仙字字工行舟明石眺望中大夫縱使隱朝
霧浦上猶吹磯嶋風

梨園

四十八年佳麗人梨園弟子玉樓春開天部曲雖依
舊憐殺教坊白髮新

薩摩氏長

折牛扛鼎似相逢角抵薩摩難突衝多力孫謀他歲
後兩金剛畔見長宗

篠塚伊賀守

十六前呵勇銳完敵望勢氣膽猶寒一條授首救軍
將三井拔營燒戒壇大碇輕提尤駭衆短蓬橫卧獨
容軒當初天下奈時運強力何爲得鹿難

郭循

費禕行軍號令新魏兵降附酒巡辰中原未定長山
險帳下何圖有郭循

蘆雁贊

西尾加右衛門求

長蘆飛雁洞庭秋雲路冥冥淺水頭描出瀟湘烟雨
景一行孤影下汀洲

萬歲樂圖

本朝國俗歲初有此戲一人擊鼓一人以扇起舞常過市中入門到戶內屢舞蹈以賀歲初也

萬歲千年歡樂多春初門戶屢經過鼓聲舞扇太平曲准擬康衢農父歌

獅子舞圖

國俗近年有乞者蒙獅子方皮面以餽口於市鄭以舞躍

無微尋常一樣看獅子舞蹈勢桓桓阿誰這箇風顛漢欲向禪家參淨端以上一圖佐分利半右衛門

石川丈山韻士頃年告暇于藝州牧司栖邊于裨叡山西麓振衣高岡濯纓清流且遊洛邊勝

區以抒高志自譔清世一閑人屢寄書於我郎
罷尋舊盟因問詩仙事以定其配對也余與韻
士雖未傾蓋而聞其名以想像其為人也久矣
故賦排律一章遙投之為他日萍水之左券云
久聽芳聲未接眉士流嗜學好男兒曾隨公務駿城
畔屢遇我翁京閉歧大坂戰場無贖武藝陽仕路不
忘危樞間細馬設戎備林下孝烏酬母慈浮世百年
思鷓退平湖一舸逐鷗夷鬼門良角寄生處鴨水橋
邊乘興時台嶠眼寬孫綽賦秦中吟步樂天詞詩仙

位定テ幾カク論辨遠友情通共切德風浪猶傳東海信隱
淪休唱北山移前村昨夜梅花早孤潔清香說向誰カ

白州有餘地故廣載其與阿爺所酬和之前韻ラ

以贈之レ先是阿爺和王昌齡別李浦之詩韻以テ

寄丈丈山丈山呈和章阿爺再唱以遺之

如レ此レ台麓相攸辭海西名疆利鎖脫無迷平心不似巫山

險隣樹任他猿亂啼ラ

十二月十八日除夕奉和家君詩韻ラ

天運循環不有涯通宵守歲對燈花明朝緜帝讓青

帝年馬雲飛黑色車

臘晦

有始從來必有終一年過了曉鐘中臘梅香動早春
色爆竹聲高殘雪紅詩祭勞精憐鳴佛籬名作戲笑
興公貪廉利鈍皆天賦誰賣瘡飲又送窮ラ

鶴峰先生林學士詩集卷第五 終

鶴峰先生林學士詩集卷第六

向陽前集六 寬永二十年正月至
同年六月

癸未歲旦

毛陶陳楮一文房，坐了春風夫子牆。
殘雪如鹽花外路，欲牽東帝小車羊。
奉塵家君元日試筆，嚴韻
勾芒太昊一時來，紅日新懸野馬堆。
若遇東君調鼎實，廟廊先覓和羹梅。
平生四海一賢良，聖學千年明德香。
春到餘寒新浴

處盤銘日日暮成湯
享守勝試毫韻

雲箋霞語墨痕勻飛出溟魚活潑鱗漲起江西春水
派新詩絕勝呂居仁

和良以脉子雞日試觚之韻

詩兼改歲共新鮮吟賞江城初日天一段東風繙脉
訣料知刊誤又繩愆

伯元生有元旦試毫詩依例嗣其韻響以投之

聊寓教戒之意云

猶期文法似懸河語帶春風相共和花鳥流連無喪
志况乎隣舍幻輿梭

漫塵腸坂君歲旦倭詠之尾字以奉祝焉

迎得天長地久春雲霞花草悉逢春黃鸝知止丘隅
外卯木萬營陰下春

是人間長生藥朝來服了最欣樂八雲神風幾千
年新詞高步陽春脚

和見樹院王歲旦倭詠尾字

招提佳境接隅田一樣春風萬里天南嶺雲霞雖遠

隔梅花通路幾新年

叨賡金地僧錄司雞日試穎之高韻

一陣和風消息通交遊方外古今同紅花綠柳歲初

句玉塵烏藤日用功六祖傳衣尋法嗣五山司錄屬

師翁春潮激起筠溪水文字禪河名不空

奉塵源吏部大卿君雞日倭什之尾字

武林喜見有文材畫戟影移藍尾盃三十一言花似

笑春風筆下最奇哉

餘賦石川大中大夫君者當世之甲族也講武之暇

遊心於詞林者有年矣今茲孟陽有雞日試毫

之倭什二首即摘其尾字綴唐詩二章以獻之

士林迎春幾千億喚起窓曙試筆墨南枝早開東面

風梅有清香柳有色

東風一陣入烏皮惟武惟文相共宜席上膠錫椒酒

外新詞春味有誰知

及可脉子有雞日試毫之詩嗣其韻響以贈焉

常慕劉張朱李風朝來呵筆雪水融刀圭傳得回春

手佐使君臣百藥中

了的生在常州水戶寄其雞日詩章即賡載投
 海隅望裏彩霞浮兩地新年氣象伴陪侍常山城館
 畔春風筆陣點蛇頭

次韻春竹雞旦試毫詩

硯涖涖毫韶色加屠穠酌了漱雲芽年年東武望西
 海千里朝霞同一家

奉和家君穀日值雪詩韻

太蔭賞開八葉生滿天白雪是飛靈人心唯喜歲呈

瑞農業須勤春省耕凍鳥吞聲垂細羽寒梅淡色發
 吟情遺蝗入地未驚蟄江上一犁將向晴

正月十二日文殊院席上以招提聞鶯為題

蘭拏翠柳向東風聽得黃鸝來鼓隴下嚶妙音清俗
 耳這邊春境是圓通

秘書郎鳴津久通丈寄歲旦試筆詩倉卒和其
 韻以投之

相遇三陽交泰辰竹斯國裏育生民東溟西海波濤
 穩萬里春風一樣新

張良贊

兼松又四郎乞之

貌似婦人雖可憐，
幄籌千里執兵權。
大哉圯上一編，
力漢鼎高扛四百年。

畫策常如石水投，
沛公天授得留侯。
誰知圯上老人，
履蹈轉秦狼與楚猴。

柴田君勝興在駿府，
寄其歲初試筆詩。
遐想之餘，即和其韻以贈之。

細柳營邊仕宦身，
駿城醉賞歲華新。
雲霞五色士巖，
影雪映蓬萊山下春。

春雨讀書

正月廿二日 赴伯元宅

密密淋淋春日長，
下帷靜坐對緗黃。
蘭臺花潤龍門，
雨經史看來班馬香。

深草野

同自同宅十野之一也

承和天子一乾坤，
深草郊邊行露繁。
滿野鶉聲慷慨，
在秋風何用詠奔奔。

昆明池

同日同宅十池之一也

漢室恩波霽澤，
民昆明新鑿上林。
春池中水戰神龍，
躍不似白魚飛子孟津。

古詩集

卷之六

五

正月廿九日家君招金地文殊見樹三院王等
 即席以梅歌題之花多春友各賦一絕
 鶯梢燕朶白兼紅幾度春園向暖風有約不違逢舊
 識花顏色麗少年叢

此日席上揭十公事十臣品十能十拙四十題以

拈鬪分賦之余得五題金地阿翁守勝皆賦詩五首文殊見樹共詠歌五首

卜幽了的賦二首伯元賦詩二一首阿部彌五即以宗賦歌二首

立太子十公事之一也

新定儲皇根本堅撫軍監國太平年東宮初日龍樓

月光影飛揚九五天

執政十臣品之一也

赫赫巖巖威拔群輔君立道策功勳身懸國政兼人

命王禹偁云我亦云

氏安散樂十能之一也

對策文章窺禁闈秦即散樂古今稀俳優一曲過雲

處天曆皇風入舞衣

康賴藥同

丹家鴻術冠邦國面生起死藥有力百卷方書一粒

丹六十餘州開壽域

李翱聯句

十拙之一也

雖論復性汲儒流嘗遇藥山呈問不貞曜無嘲不聯
句韓公門下此其尤

再倚前韻投呈石川丈山隱士座右元是余節

罷之舊識也故不能不知此耶

期君壽域到長眉抱獨投閑踈婦兒一瞬功名纔閱
世丈夫出處不迷歧何須辨士縱橫術可慕聖人言
行危邁軸考繁雖隱逸鑿耕擊壤是恩慈學尋武庫

思元凱廉起清風聞伯夷叡岳卜隣容膝地江城縮

遠遣情時蠱爻上九奈高尚氣象萬千多麗詞筆陣

堂堂猶正正詩筒切切又惇惇料知谷飲岩樓趣吟

取月光花影移恨殺湘雲遮洛社問今耆友更爲誰

又

想像兼山西又西鯉無沈沒雁何迷吐來咳唾更清

潤隨手鎗然是玉啼

二月廿日赴文殊院揭十谷十澤十駿十狝以爲

四十題分闡賦之余得一谷二澤二駿一狝

我友全詩集

卷之六

七

俱利伽羅名未浪每聞勝敗兩眉皺一軍氣銳疾於
電七萬角崩摧作鹿勢似武安坑趙卒猛如項籍瘞
秦人可憐岩谷戰場骨千歲北風吹鬼燐

東滙澤

彭蠡昔聞神禹道桑鄴水經亦可考此流東滙憶誰
人禮家陳氏其名濫

廣成澤

廣成澤畔問姚崇昔為布衣今相公遮莫這邊魚鳥

背開元天下太平風

煖延

有馬非常號煖延平家槽櫪更駟駟彫題燒印似黥
罪遂識宗盛伏大刑

水練栗毛

義貞臨戰勇無雙駿足如飛幾磬控一旦勢窮雖不
逝黑丸城下是烏江

槃瓠

槃瓠曾是壓貔貅一吠齧來吳氏頭蠢爾誰知禍胎

長安詩集 卷之六

大幾回藥種觀中州大幾回藥種觀中州

程伊川阿部左衛門次郎政繼求之

正公理學繼宜尼我道千年聖得知玉色梅兒須併

比門前盈尺雪深時

蒼蘆同人求之

七八葉蒼蘆羣雁來風水隈料知須避繳漸陸類銜枚

陶淵明傍有菊大久保官內少輔正朝求之

斗米何為可折腰籬邊把菊慕前朝清風晚節花相

似司馬雖寒香未凋

奉和將光高君之高韻

東武會同治北陸懷民施政不容邪仁風吹偃塞垣

草明德芳聲深似花

畫贊大經師左京求之

行人一騎驛程遙藟笠羸蹄僕屈腰無限客愁須掃

盡杖頭荷擔酒盈瓢

古詩一首寄了的伯元兩書生以言其執交之

有由也

咫尺如千里胡越亦弟兄何為論異族只須認同情

的也居洛地元乎在江城山河遙相隔烟霧長尚橫
初未見顏色况無聞姓名宦遊赴東武俶裝發西京
辭家到遠方嗜學求友生徑路傾蓋語里閭倒屣迎
步步信脚處常常攜手行遂結駟蛩交屢修鷗鷺盟
艷陽花盡美綠陰木向榮中秋月掛鏡三冬雪鋪瓊
士嶺鵬翻毳廣野鹿食苹共看仙源桃遐想近衛櫻
往聽隅田鳥孰與皇州鶯雁帛雲影連鯉書流水清
奚囊盛詩句那卷對燈檠吟取萬千景努力四五更
握毫臨知白聯鼎逢彌明在群稱穎悟尋師得細評

莫怠於半途庶幾其遠程猶進汗血駒尤警能言鸚
唯慕陳雷志膠漆可盡誠相期鄒枚才詞賦欲傳聲
二子克終始久敬有異嬰

四月九日會於文殊院揭十河十峰十坂十洲十
權十倖爲六十題探闡賦之余得八題

黑瀨河

黑瀨河流恨未平一時勝敗戰場名越州軍法慣韓
信死地全生背水兵

丈人峰

突兀丈人橫太空少陵詩句舊題中山靈疑是有甥
否何把斯峰比婦翁

孔舍衛坂

賊兵拒命奈多難神武龍飛軍備完五瀨亡身似劉
仲坂頭記得小長安

白鷺洲

白鷺振振羽翼披洲前佳景古人詞鳳凰臺上仙何
去一水中分似舊時

蘓我馬子

蘇我強染犯帝居直駒七首是專諸憑誰請得尚方
劍斬却馬頭如斬猪

清盛

赫赫清盛矍鑠翁威加六合際三公皇興行幸福原
地神德瑞祥嚴嶋宮雖侮廷臣專北闕堪驚源氏動
東風保平富貴治承亂二十年來一夢中

審食其

幸於呂雉不安劉丞相官高拜冕旒身死鐵槌傳穢
德黃陵廟有辟陽侯

仇士良

士良其妹侍楓宸尚父威權更絕倫甘露唯哀匪恩
澤却為毒浪溺才人

疊和前韻寄的元兩生韻故再及此

弱冠年相若難弟亦難兄庠序幾晤語交遊有多情
文慕萬丈烟詩攻五字城郭外沃野廣江上客舟橫
白雲雖望親蒼波欲寄名會友已切切忘憂不京京
呼為一雙壁來對兩書生吟賞鋪筵坐剝咏開戶迎
半宵慣仲孚分陰憶士行山鳥好相伴庭松是同盟

共揚跨寵美要見衣錦榮欲捕牙籤軸堪笑宮室瓊
踈籬竹密密深叢草芊芊房陵二朶花帝都八重櫻
擯眉聽杜鵲砒耳轉殘鷲彼赴水戶館此浴溫湯清
筮仕毛義檄照眼侏儒繁侵星侍高第聞雨送寒更
俱陪四始講風雅頌傳明預修百氏譜神皇蕃別評
最可畏後輩豈不問前程翔飛學習鷹抵排阿彌鸚
千歲欲尋道中庸宜知誠為說賈誼事年少馳佳聲
莫被武夫猜世間奈勃嬰

三疊前韻寄的元二生以抒情素余與二生父

母俱存兄弟無故人人生之至樂不在此乎故詩
中起未聊教論一生且自樂焉

膝下侍椿萱連枝弟與兄善哉此至樂達道萬古情
他鄉相逢好猶望九重城五十三驛遠千里山峰橫
門有桃李士欲慕梁公名武陵今富貴超越漢東京
香輪輾青青蒲野芳草生銀鞍錦障泥賓主往來迎
貴戚邸第並別侯挾路行白雲油幕邊君臣礪帶盟
唯悅理義味豈羨夢寐榮寄詩屢言志咳唾幾吐瓊
訓詰多異說難分萍與萃色香孰同別須辨倭唐櫻

春風百花叢知止綿蠻鶯高樓凌煩歎珍簾水紋清
禹錫秋雪影映徹永夜繁為愛趙衰日惜餘籌殘更
在群稱一妙添誰見三明願遊聖賢域要聞經史評
通鑑編年法司馬本姓程文章不加點試賦禰衡鸚
雕蟲姑舍是孝悌无妄誠元也常省定的乎問遠聲
老萊七十翁綵衣似孩嬰

五月二日家君詠庭前榴花製律詩一篇以賜
余及守勝其末句有多子之事而被祝家門即
奉塵高韻而賀椿筭之無疆且喜鶴原之不閱

也二云爾

翁在床頭子在前石榴詩句最怡然紅裙競裂蜀都
賦緋女假粧崔苑仙曾對艾人端午帖猶生花實若
千年一株潤色繁榮久同氣綿綿枝已連

五月九日會於文殊院闡探倭漢故事以得七題

向原

日域宰臣其姓蘇向原第宅變浮屠佛前求福却招
禍馬子蝦夷共伏誅

上林

雄辨滑稽無是公塊看齊獵與雲夢相如不識上林
外漢帝志馳沙漠中

高沙濱

西海漫漫水漾溶高沙濱畔認陳蹤殷其萬頃銀濤
起風韻相呼尾上松

馬鞍岡

一堆望見馬鞍岡何者妄言欺始皇笑殺箇中空出
血誰知王氣在芒碭

元良親王四十賀

陽成皇系已綿綿強仕齒高才亦賢一首倭歌一枝
菊詞其言志菊延年

從一位貞子九十賀 排律

貞子有佳粧藤家美少娘良人逢實氏繼嗣得公相
生女即為后誕孫早立坊西園高第尊北闕寵恩彰
一品位尤貴九旬壽已長百僚同稱賀千歲欲呈祥
倭詠篇須叙御遊樂未央翠華迎聖主綠洞拜仙皇
累世權威大滿朝官祿昌既堪輕禁廷况又睦鎌倉
富驕何以比超過漢呂王

江淹彩筆

文通詞章日進步彩筆予奪在窠窟無賴夢中郭景
純須為彼人作恨賦

三馬同槽 走筆代一幽

曹公奇夢奈嫌疑典午威強魏室臘三馬覺來添
馬懿師已去又昭炎

守勝頃日追菜肚之風尋梅溪之鹿賦廿八宿
歌家君相繼被示諭者二篇守勝再唱以呈之
於是余亦試言之縱雖不得珠聊探其鱗甲而

巴耶

古來爭亂似蝸角，華夷尤舉據。一方鮮卑西羌胡，羯
氏江東皇胤若千房。祖述著鞭忠義心，王衍清談麈
尾長。彭澤高尚憶箕山，能辭五斗歸故鄉。司馬變牛
牛變劉四海，男女羅禍殃。帝業漸虛南北隅，侯景爾
朱危。魏梁碧瞳航，葦入少室九年僂。壁桂久昌宇文
排佛，奎翰詔婁后生洋。至緯亡虐浪瀰漫，何清胃獄
冤不平。昂掩光畢竟，只灑野戰血。彷彿鷹鷂搏鳥揚，
樓頭高處捫參否。叔寶投井麗華僵，鬼火燐燐建康

墟疎柳入唐，罵隋煬。太白星現感傳奕，貞觀政法最
張皇。誰得輔翼如周召，天地蓋軫到無疆。

殷人稽首崩其角，前徒倒戈不得亢。武成立法周之
氏何覓，房精八駿壯。鵠蒼徐偃狼子，心鷄尾楚分王。
僭上厭弧箕服，雖亡國科斗文字可寶藏。青牛漫說
五千言道士，女冠有異狀。虛靜恬淡荒唐詞，縱橫危
計是譎妄。漢室勃興多學生，孔壁遺書悉尋訪。史遷
筆力映文奎，黔婁事親盡孝養。曾聞脾臟稟胃附，昂
次西陸舉首望。李杜詩章幾估畢，阿誰容蓄相和唱。

高適岑參皆名家井底蛙
滄聲可放長吉鬼才升
王樓鄴侯詠柳遭讒謗
簡編卷舒戴星起
周張程朱儒流漲
易章二絕贊十翼
杏壇琴軫不永忘

再賦廿八宿字詩一篇以効家君之聲且繼守勝之餘響

鳴軋角聲戍邊塞壯士尤當應
石暮氏生光芒知戰陣
弓韋矢房器械具王將務攬英雄心
虎牙乙尾三軍懼
讒舌象箕無恃勇
斗杓急繕可早悟
卽墨火牛破騎劫初如處
女後脫兔避實擊虛
兵法要九地五

危皆勞苦操戈入室須近守
遠攻城壁似蟻附奎焰
動時臣擅命占畫豫識大衆聚
胃辰在趙憐長平昂次魏梁武卒赴
呂政奮烈六王畢蚌肉鵲膏漁弁捕
曹參身被七十創帝匿皆井有大度
烏江鬼死炎德昌細柳備胡陣
營固博望星槎子卿節許史金張富
貴足賊莽雖鏃漢家翼南陽淺軫復
皇祚孟子圭角闢揚墨關尹尤桑亦
異端三冬讀書見氏中一房萬卷對
雪纂陽春到處吟心新席上婪尾共
盡歡傳說騎箕夏旱霖三腸九回酷
暑殘吳牛喘月

野草際雲漢織女皆仰看願帛乞巧皆虛談世路從來嘗危難公室繁華雖眩目壞宮破壁多感嘆奎主溝瀆在魯分婁養犧牲郊祀壇天倉胃宿司五穀昂起大水揚波瀾想像亂臣有畢榮股肱耳自爪皆完人參天地贊化育井田經界使民安鬼門關外無逐臣官柳拂旗迎百官侍立班班如列星皇風開張四海寬若得陶侃八翼夢縱聞雷軫尚容軒

鵝峰先生林學士詩集卷第六終

鵝峰先生林學士詩集卷第七

向陽前集七 寬永二十年七月至同年九月

韓客贈答

七夕 今日朝鮮信使來朝入江戶以本誓寺爲假館

仰見七襄牛女躔清風銀漢共明鮮緬懷博望得機石萬里星槎秋水天

七月八日赴本誓寺裁一絕呈朝鮮朴進士

扶桑國裏海隅東邂逅韓人問俗風無限山河千里隔秋鞅筆語意相通 進士名安期號螺山十八歲及第今茲三十六歲

得見清容於我爲幸舍率裁小詩以述情早被
惠和章其神速可嘆美也於是又疊和前韻以
汚朴進士之一覽

貴國元來隣日東檀君衛滿舊時風叔舟圃隱自傳
命兩地千年交會通時進士有信使之召而起座不及租之

七月九日寄朴進士

曠昔偶值朝鮮朴進士迎接唱和席未暖有故告
暇以爲恨也故別綴小詩且嗣考槃適律詩之韻
響以同投呈之金箔墨五銖聊寓微意

名顯貴邦登試場芝眉相接豈相忘詩盟若稱秀才
意何處秋風不故鄉進士有和

朝鮮進士一時雄萬里公程東又東旣涉海濶看水
遠未曾亭埃哭途窮萍浮麟嶋神仙窟草偃我邦若
子風下筆不休知頓敏唯疑錦繡在胸中進士有和

此日之暮會朴螺山於岡濃牧假館

偶會佳人東海洲揮毫席上最風流鴻臚館裏認陳
迹兩國千年一樣秋

敬謝螺山居士寄書畫數幅而次其詩之高韻

又塵寄我翁律詩之韻

投來書畫一封，中烟幅鶯溪淡，又濃異域秀才逢。尚
罕况今佳什最歡宗。

蕃客異常，士筆談怡我顏。彩舟浮白浪，鳥帽對青山。
逆旅萬餘里，交遊三日間。他年潮汐信，幾見夕陽還。
七月十二日，於岡部美濃守假館逢螺山時濃
州小子左京少年在座，螺山作詩褒之，且奇其
相。濃州莞爾，余即次其韻，代濃州謝之。

珍重朝鮮客，相見旅館庭。歸帆名益顯，年少早登瀛。

老父裁長篇，寄螺山居士。居士和答者二篇，且

使余繼其餘響，即口占一篇投之。

聞說青螺山上之客，榜題探花最美談。王事無鹽千
萬程，經過山岳與江潭。官船載得秋水之月，天香桂
子影，麤麤鳥卵國中，多少之景入君筆。硯英華共咀
含，銀海豁如壯士馳四方，似慕夫子之東，西北南善
詠，今猶未及古。何論兩朱閣，多柳藍我國本神明之
風，神道聖教相共通。豈混老佛可稱，二貴國久修交
隣，好古昔事跡，聞宜諳君不聞。管江兩家儒業盛，常

立朝廷批笏簪君不知粟田仲滿入唐朝文物芳聲
 遂無慚詞人才子難枚舉况又武威赫赫最鋒鏘堪
 笑蒙古欲窺我舟破軍敗民不稼不蠶君今既吟武
 野風煙之草來晨可駕日光峰頭之嵐聘問祭儀禮
 畢回棹處細君在閩兒訂單

朝鮮尹龍祥號石泉次螺山韻以寄之乃和其韻

遠遊千萬里韓國故鄉庭筆學世南法猶期十八瀛

和朝鮮劉義立詩韻義立號南瀾

筆勢最竒妙相逢異域人白雲滄海外須憶故鄉親

又和南瀾詩韻

何嫌千里遠胡越弟與兄兩地交隣久自茲可寄情

石泉南瀾者朝鮮寫字官也會於岡濃州席上倉卒唱和歸家不記全篇者雖有之聊書之以爲他後之謔

排律一篇呈螺山處士以述遐想之情

聘禮異邦信慇懃來太倭三韓連歲月八道幾山河
 耶馬堆邊日長鯨背上波我方竒觀在逆旅咏吟多
 武野草鋪錦土峯雪疊羅神威呈幣帛兵衛挾干戈
 客是俊豪輩早登進士科詩篇頻唱和理義盍磋磨

時務無閑暇相忠為奈何

七月廿日應宗太守之佳招初謁朝鮮洋溟公

姓、尹諱、順之字、樂天此行為、正使綴蕪詞一首以代贊奉呈左

右

郊迓勞輶使錦帆片片輕東洋朝日曙西路鳴雲晴

魚縱千尋壑鵬飛萬里程風濤安穩處兩國共升平

依宗太守之簡呼初見朝鮮龍洲公姓、趙諱、綱字、日章此

行為、副使述俚語一章以換束脩捧于鳥皮右

朝鮮王者使交道善芳隣靈瑞知奇物乾爻見大人

明珠元在額紋彩孰攀鱗旅館高吟了雲興東海濱

赴宗太守之高館邂逅朝鮮竹堂公姓、申諱、濡字、君澤此

行為、從事官從作野律一篇以代投刺而達於座右

壯遊經海陸遠到自高麗卓爾使臣節宜哉君子姿

清陰傍砌茂瀟洒向風垂滿架南山綠簡編載幾詞

奉次龍洲公之高韻即席

欣遇三韓專對才主人屋裏雅筵開自今彌約交隣

好海錯陸毛豸酌壘

奉和洋溟公之高韻即席

金山浦上出東萊萬里好風煙霧開滄海波濤龍吐
王他邦樓閣蟻浮盃名高韓地幾年矣客寓江城數
日來歸去錦榮何以比功如漢室畫雲臺

奉嗣竹堂公之高韻即席

馬鳴牧司第雅談王露清山頭朝霧霽海岸水天明
萬里浮龍舳下堂對兕觥我邦佳境在說與附君行
奉酬竹堂君之被寄

展讀花篇裏芬芬字字聯兩邦交際久千里信音傳
席上宴二路飲中勝八仙良哉奇遇日幸甚對諸賢

送螺山處士赴日光山

將詣日光趨闕宮廟前想像祭儀豐山頭草木雲煙
霽石上莓苔雨露濃清酒薦時靈氣動祝文讀處秀
才功神風肅肅我邦外吹入三韓客袖中

律詩一首奉獻朝鮮尹大使君聊叙同姓之事
蹟以呈鄙意

奉使扶桑初日邊回頭故國白雲天禮曹參議職官
顯通政大夫階級連宋代文於師魯盛程門學自彥
明傳高詞誦處絕凡俗穆似清風周雅篇

律體一章奉呈朝鮮趙副使君而言同氏之故事以抒野情

奇骨清容韓國賓經筵侍講紫微宸漢儒章句七篇
孟普代勲功半部論閔道鐵顏真御史訥齋綱目屬
誰人春秋館裏勸懲筆啖陸未看看伯循

副使兼經筵侍講奉
秋館修撰故及此

七言律一篇奉寄朝鮮申從事君接同族之事
實以述所思

貴國本邦元德隣風儀望處喜津津叔時辨說猶須

議不害刑名豈可遵秦伯憐難出兵馬漢皇安老轉
蒲輪古來靈地生人傑君是前身崧岳神

又綴排律以同呈之

美譽芳聲當時鳴朝鮮國裏是豪英五千里外鄉園
遠六十餘州日月明桑域到來多勝致蓬山何處憶
長生武城陪侍御觴賜靈廟恭呈蒞藻誠筆慕鍾王
知妙訣詩追李杜有奇評思君別後問音信雲水悠
悠滄海情

寄螺山處士

日光首途之後殆七八日不堪瞻望之至聞今日
歸入本誓旅亭想廬照隣之秋霖泥滑路難其勞
困不易言也然祭儀既畢則賓旅之大幸何加焉
前回所約酬和之詩已成否欲早見之紀行吟詠
若干首乎唯恨與君不同行也卑詞今呈三使君
乃并父弟之所寄皆以傳達之無紛失也幸幸鳴
呼告暇在近則我輩屢赴岡濃洲加初洲之假館
以待之足下可來會也唯恐將命者不達而已暑
衣下領聊表寸誠笑納惟幸絕句一章口占以副

之云

日光禮畢返江城異境往來難徧情旅邸新添檐際
雨淋爲蝮滴助詩聲

奉寄朝鮮國官使竹堂申君

東關駐輶一國之奇遇終身何忘之西風吹旆萬
里之遠別回首永望焉抑江府促裝之前一日余
與家弟同謁君於旅館譯語筆談問本朝事蹟
手書人物山川草木鳥獸節日冠昏喪祭等條件
以授之曰發軔在明日不能詳聞之會知事李長

生有官事暫留于江府彼之歸時粗記寄之則爲
幸也既而告暇此夕君使進士朴安期贈書賜報
瓊下雙入木六葉并毛穎如數領受之既因安期
奉謝之其懇懇之情豈易言乎是所以使余不忘
而永望也於是達君旨於即罷即罷亦莞爾深感
之不日而長生畢官事催歸期其追及于京師于
大坂乎嗚呼國史高堆事實繁多不暇考之故聊
記其要爲二卷以附長生奉贈之唯冀稱盛意也
夫以君之博識而有下問者蓋北人不知梅之類

乎余亦贈君更無所有唯此而已雖無下枝春之
芳其志相似者乎昔張博望入大宛能詳其地理
范石湖使金國而有攬轡錄世以爲談柄况今君
慕文忠之芳躅則其繼述之美豈博望石湖之謂
而已哉唯慚其所詢不及芻蕘也狂斐一章信口
漫道伏乞哄堂而待教諭云

西賓告別武陵城條自行行寄野生宰相將家彰德
業歌仙詩客寫心情冠昏喪祭歲時記草木山川鳥
獸名我國物形周覽裏雲煙落紙筆縱橫

寄朴進士

馬首西馳以來不堪仰望之至發府之朝未酬之
芳和何不寄之哉雖違所約然察其紛擾則不必
訝焉若猶欲守信則憩息京師艤舟大坂留滯馬
鳴之際其有來雁之音河鯉之便乎即是宗牧司
之所知也洪旦二僧亦可傳之得來達以擬再會
也必待之嗟夫在府之間足下多事其勞煩雖可
憫焉其詩章也筆幅也人以爲珍則其名之播于
日域者不亦善乎今因李知事歸而寄尺牘問安

否多情難叙乃投野詩云

君歸西海我東關生別何時忘對顏千里征鞍雲鬢
鬢一竿旅艇水潺湲多年高卧廣陵畔數月遊觀倭
國間名與筆痕相共顯家家到處說螺山

脩竹堂君登覽日光山被賦律詩四章江城發旆
之後余偶得見之緬懷之餘漫瀆其芳韻以附風
濤之便奉寄焉

日光山

雲車輓輓轉雷霆羽客躋攀磐石屏下派飛泉千尺

白萬重峭壁數峰青寫成繡句若干首合入琅函那
卷經山上仙風聲在樹鏘然盈耳似流鈴

山管橋

佳境幸從幽處通下橋利涉下虹中曾聞仙袂來開
地恰似浮槎始鑿空那聽子規呈見識良逢老父建
元功上頭下面皆奇絕欲仰銀河俯貝宮

大神社

君辭我唱憶玲瓏元白千年名不空本國英靈
開寶位殊方花使請珠宮二荒祭奠奉崇志二葉重

燕累洽功神德周流六虛外源頭活水跡難窮

三本杉

靈杉百尺外連株根石枝銅相共扶神物遺蹤多異
象韓賓佳句是賢夫時時雖被仙風舞且且無遭樵
斧屠三樹毛如二徑草后山抱瑟不吹竽

又綴六言一絕以塞餘楮

倭韓懸隔西東相別今如燕鴻猶望征帆遠影難追
宗殼長風

仲秋七日和見樹院主新雁倭歌末字三五七

新雁鳴秋月清更吟宣王什猶憶子卿情湘靈鼓琴
今安在雲路冥冥寄遠聲

八月十五夜應土井遠洲牧君之佳招因其求

賦下絕宵分天陰

三五秋天未快晴唯嫌今夕負佳名浮雲縱隔十分
影月在主人胸裏明

此夕歸路神田橋上觀月

中秋吟步向西風月似圓珠橋似虹銀漢何求公遠

杖雲開咫尺廣寒宮

此夜四更月蝕

曾恨中秋雲霧遮况今遇蝕減光華月如趙璧無瑕
類唯罵秦王不罵碁

月蝕妖暮輪影虧半秋淚下一庭墀玉盤若把碁盤

比白黑中分勝敗時

八月十六夜

二八秋容月到時這般清意有誰知金風玉露猶宜
賞未必明輝一夜衰

今宵奉和家君高韻

玉兔滿天增景光平沙江上照秋霜十分未覺一分減今夜猶疑月在望

此夕余與守勝招友對月時乃翁賜絕句一章即和奉其芳韻再被示古詩以冀開一八時為韻且有教諭之意於是漫攀其韻枝

三秋半過感幸賞月前相伴汗簡青儿上向硯研磨煤良辰美景驩會開幸賜教諭詩章一聲如金在擲於地赤箭青芝及王札叔畜斗仰韓十八永夜唔伊

清風吹絕勝城南讀書時

術數郎

酒井長次郎所藏之十郎圖之一也吉良若狹守為紹介求贊大明仇實父所畫也

兩箇嬰兒尚幼阿娘幾回規祝幸然逢術數郎欲問

貧富歟壽 圖中有兩兒有母有相者

漁郎 同上 圖中有女以秤鑄量魚漁又以丁魚賣之

江頭遊女秤鑄罕偶爾相逢蓑笠漁一尾買來求一尾料知尺素在雙魚

九月二日赴文殊院席上出一題

楓葉待霜

到處晚楓秋景斜，猶期霜色帶光華。
林中纈纈露將結，此地須停杜牧車。

聞蛩有感

陰蛩唧唧數聲中，幾讀函嵐感慨窮。
野外宇邊來在戶，終宵盈耳暮秋蟲。

鷺峰先生林學士詩集卷第七 終

鷺峰先生林學士詩集卷第八

向陽前集八

寬永二十年九月至
同年十二月

西征紀行

癸未九月十六日發江戶口號一首

此行依
官命從源

讚州源豆州赴洛讚州既先行，余
與即罷同從豆州同途發江戶。

十歲移家在武城，今歸故里是公程。
回頭天外京師路，一步從茲千里行。

過品川海邊望見房州遠嶺

遙指房陵波浪天，白雲堆裏翠螺鮮。
卓肩如入長卿

眼海上遠山誰不憐

神奈河驛店夜聞落葉如雨

唯言夜雨到來時未悟秋風落葉吹檐際有聲無點
滴朗吟無可上人詩

十七日藤澤望鎌倉

地從藤澤小蹊連莽蒼望中二里前江鳴鶴岡如在
奈福山鹿阜這般禪源家三代將軍府平氏一流專
政年若使陳農遊此土猶來金澤問遺篇

相模河俗曰馬入

鞍馬肩輿來往舟相模河在相模州馮夷不稟重成

志橋絕人亡水自流

大磯路邊有虎石

虎娘元是娼家人同契貪即捨此身今日堪憐遊宴
地唯題片石問遺塵

酒勾河十八日

驛程行盡幾郡縣酒勾河流水濺濺柳營信宿建久
年緬懷此邊廻組練

小田原城

伊勢新即善，用兵火牛計。策氣縱橫上，杉三浦大森。
走佐竹武田，長尾爭威振。八州期勝敗，運傳五世奈。
枯榮備胥甲，士雖堅險博。陸雄軍孰抗，衡戰似子顏。
屠白帝功如王，濬虜鳥程唯。今四海太平，日關左藩。
屏在此城，不問其誰。

箱根山

鬱屈筥根路，海東初日邊。豈相經界圻，甲信地圖連。
八里步難進，萬重峯可綿。攀天侵薄霧，臨谷瞰奔泉。
險阻超長坂，巉巖登絕巔。行人無並往，馱馬殆驚顛。

豈著謝公屐，欲纏鄧艾氊。丘隅岑蔚處，料識有神仙。
箱根山中雜詠

右筥根權現祠

權現社壇高，平湖浪不淘。行囊無幣帛，明信薦溪毛。
望見走湯蓮，筥根溫泉涌。處欲尋源鍊，倉都帥奉崇。
久神意何無，護子孫。右伊豆權現祠
源軍失利，石橋坂武衛窮困。僅得遁行實，馱餉忘餓。
時恰似溲陀進麥飯。右治承合戰
兩將相爭，直義奔古來戰國。欲并吞羽林，雖有亞夫。

勇竹下官軍是棘門右建武合戰

巫峽猿啼客濕衣掉頭愁處憶摩圍有人翻說夾山

境青嶂不看抱子歸右猿汰坂

山上奇哉見此湖依佈中國有鵞湖巨靈擘土投何

地一撮穿來數頃湖右湖水

蛭小鳴十九日

蛭鳴陳蹤最寂寥僅傳名號尚無消縱然蛭蟻雖名

鳴昔日蟠龍有賴朝

三嶋社

雞集時分鰻在溝山祇垂跡社壇頭海東神德海南
遍伊豆州兼伊豫州

富士沼昔年富士沼昔年

數萬東軍建白旗當初源氏勃興時平家兵士不如

鳥李愬功成鵞鵞池

富士山一首富士山一首

海東仰見富巖巔三五州中烟景鮮嶺上織衣神女

手雲如錦繡雪如綿

富士峯高不可跂四望于覽眾山畢麓根遠遠豆相

卷之六

三

三

駿地跡久傳，倭竺支秋雪。詩成夢得眼，黛烟粧盡太
真眉。世間何物大於此，試把秋毫欲比之。

富士川 富士川 富士川 富士川 富士川 富士川 富士川 富士川 富士川 富士川

湍水如奔，滿耳前土人迎送。一竿船士峰，雪浪四時
滿漲起，長流為太川。

薩埵山頭路，苦辛巖巖巨石。大洋濱可憐，古昔戰場

跡，况又同家骨肉親。

清見關 寺中有碑

清見關邊天，一方與津田子。蠶家忙承平，元帥早聞
捷。延曆高丸逃，即亡征馬蹄。巖掌險路，巨鰲扁寺建。
禪場蜿蜿梅樹小，春近相約龍涎動。暗香

三保

三保入吟眸，松原海上洲。欲尋天女跡，何者棹漁船。

狐崎 狐崎 狐崎 狐崎 狐崎 狐崎 狐崎 狐崎 狐崎 狐崎

平三豎計死，狐崎狐媚多年假。虎威不識當初丘，首
否唯今遺迹草菲菲。

過駿府望淺間社 此故詩及此

行盡駿州過幾村
凌間不暇薦蘋繁
家兄靈魄歸何處
空向山中滴淚痕

宇都山路隘
嶙峋楓蔦茂
生秋景新
東武西京來往客
誰言夢裡不逢人

大井川 二十一日

海道奔流第一川
籃輿舁載擔夫肩
洛西大井雖同稱
此不看梓彼有松

佐夜中山

佐夜中山坂路脩
再來今想憲清遊
山靈借問孰眠否
枕甲斐根橫遠州

菊河

秋晚行行來菊河
寂寞古跡感情多
龍潭欲問南陽水
一字茅間賣餅婆

西坂
迢遞關山處處吟
既來新坂更登臨
此行不有首陽餓
蕨餅唯當頓點心

友田見付臺

武田得駿又望遠見村臺邊一言坂 源君虎賁幾
千人時有殿後勝之反

池田宿

在天龍河東畔

傳聞池田歌舞人下塲春夢不一覺屋嶋大臣辱佳
招湯谷長者美容貌雖從東山輦車遊無逢西海兵
馬開唯今荒村有舟郎天龍河中投短棹

天龍河

天龍灘上似望洋文覺曾曠廣利王下棹風吹河畔
岸可憐建武斷浮梁

濱松

此地神君建幕營龍蛇陣勢幾精兵威風遺韻入
松去濱畔猶呼千歲聲

今切

昔聞陸路通今見水波洪魚躍泳游處鷗閑浩蕩中
海巖螺貝拔荒井鷁舟汎眼豁乾坤裏欲交千里風

宿白須賀

白須賀驛程一宿遠人情驚破枕頭夢波濤洶涌聲

潮見坂

二十三日

雲水連天望景奇坂頭登盡揆吟髭長風投筆層澗
裏欲把溟池爲墨池

旅懷

山河千里馬牛風短堠長亭從乃翁將指楓宸見喬
木唯思萱砌願飛鴻武相豈駿遠州際參尾勢江雍
路中幕府遙離京亦遠回頭處處望西東

二川東邊有小溝里人曰此即遠參二州之境
也

遠參自北分一派水云法若把中華比封疆似浙閩

吉田橋

吉田昔日戰攻場一旦功成洪祚長行客憑誰誇子
產勝於溱洧不橋梁橋作在平

岡崎城

累世先君多戰功岡崎城郭從倉容國家根本從
茲始欲唱關風歌大風

矢矯橋二十四日

卧波二百弓形勢與天通野草感朱雀澗雲落彩虹
板橋霜既滿銀漢月猶濃富乘駟車過思於驢子窮

東兵屯要害中將統元戎矢矯無情水河流今古同

八橋

八橋杜若名區杜若久枯橋亦無今日如尋鐵爐

步野人指示一平蕪

池鯉鮒

土人曰有社社中有池多鯉鮒

池中水泌泌鯉鮒神所使物理本無窮靈動活潑地

鳴海

輿馬苦行程尾陽望大海潮平鳴海瀉寄信武陵城

熱田宮

逆旅經過拜熱田森森松樹瑞籬前闕宮靈跡尾張

國大社帳名延喜年桑城將軍建勳葉李唐太子覓

神仙威嚴永作邦家鎮八劍霜寒東海天

二十四日之夜與郎罷同從源豆州自熱田乘

官船渡海明日到桑名作古詩一篇以述事實

官使來到尾陽洲熱田驛亭暫憇休本州賢侯遙勞

慰慇懃命吏贈彩舟浹旬之際五馬後到此同棹萬

丈流舩即揚聲推櫓楫大夫兵衛建戈弟東西南北

千里目浩浩蕩蕩乾坤浮聞說海上有仙子人自蓬

萊宮裏遊春叩門裏大真院渺茫問津楊通幽元是
 幽冥不通信畢竟仙境何爲求感得人生本如寄測
 然一粟亦一漚鳶飛魚躍上下道阿誰乘槎追孔丘
 揮筆欲續玄虛賦蠡測智淺愧阮劉有酒有茶又有
 菓曉汲清水喫乾糲驟雨滴了晴偏好坐來耳邊響
 颼颼葵紋帶幕蓬屋上望中多景簾上鉤潮滿風穩
 七里際隣邦山遠田雙眸想像當時馴機者溶漾出
 沒見白鷗寒月夜曙朝暾影時有輕舸漁網投舳艫
 繫帆桑名岸可謝封夷與陽侯桑名既是勢州地天

武皇后曾停輶又聞聖武行幸路廣繼不能遂逆謀
 自茲望洛三十里長途漸近忘客愁有母有弟武城
 下海山雲水思悠悠膝下相別遠遊日記憶韓公掌
 論歐佳境名區所經歷長公紀行欲寄由家君安穩
 我無恙願畢官事大刀頭

四日市

四日市場人爭赴處處商賈相共遇交易添得一日
 多鄺中恐作公超霧

杖衝坂

登坂路我僕疼今惟何好事者號此曰杖衝今神仙
所過耶投之爲葛陂龍今大乙皇之所化耶吹天祿
閣之釭今老者安之賜鳩養於辟靡今勇士之所提
可以撻秦楚利兵鋒今不違其時植之耘耔者農今
我儕是聖門徒耶荷蓀丈人難得逢今况又原壤夷
俟之容兮

石藥師

石藥師安下堂皆言祈福除殃世間無太中輩此佛
亦猶放光

二十五日宿庄野二十六日滯留于此

滿面秋風吹客衣下村次宿掩柴扉棚邊小俵賺兒
女應有征人收得歸

龜山 二十七日

城在環龜甲勢州丹陽洛汭地名伴同名異境龜山
景二處西湖一色秋

關地藏

武夫按劍鐘關戍古來今多却勝軍像何妨寇賊侵

鈴鹿

山路多小河即
是八十瀨河也

關外唯今四海寬世人置枕泰山安細流清淺八十
瀨嶮坂崔嵬九曲盤曾記老翁逢太弟俗傳靈女見
田丸錦楓好是神前幣鈴鹿峯頭駐馬看

過鈴鹿坂將到土山之際有田村祠

田村祠宇土山東鈴鹿山西小路通巨盜潛蹤魍魎
走塞垣草偃將軍風

水口 二十八日
逗留于此

甲賀郡中途不窮郵程日自向西風今因地號何沈
陸水口行舟朱晦翁

右五十七首肩輿中乘輿者如此長途困勞累日
且官使同行故羈中亦多事不遑鍛鍊况囊中
不携一卷書平二十九日發水口到草津其曉從
豆州出草津至矢橋浮舟於湖上晦日黎明到大
津入洛豆州直往見板防州余父子亦從焉午時
過後入舊宅此夕讚州自若州入京余父子往謁
焉自茲匆忙故紀行詩止于此自水口到京其間
十三里名山勝水可賦者不取也以余勞役故負
此佳境以為遺憾也 癸未九月晦日

走筆和丈山翁寄即罷詩韻

時入京二日

久係高風春又秋書音千里鯉魚浮清談玉露相逢
日欲見詩仙堂裏樓

遺愛石者惠阜不二庵靈雲老禪之所藏而世
以為奇玩今秋二韓聘使竹堂申君澤過京師
於旅館題此石作長篇既而余依官命與我翁
同入浴老禪請我翁索一語而使余同賦之余
於老禪雖未相識然既與我翁有舊交且其法
嗣梅嶺座元者余所曾識也况又竹堂者萍水

於東武屢所唱和也何可峻拒之乎方今官
事敦我日暮在廳不遑吟詠焉僅賦短篇一章
以塞之云爾

奇石玲瓏爭几間主人愛見小屏顏靈雲一朶
寸泰岳巖根滿惠山

頃日與丈山翁相約得官暇則往訪其別墅
而見詩仙堂既而期以今日依曠昔陰雨而延
待開霽於是想像之餘綴一律以投之

西東懸隔可憐生制電相逢未盡情九陌外邊雖隱

逸下一乘寺畔蕤芳名雨如岑洞闕清境雲似衡山禱
快晴六六仙容遐想久無聲詩壁有吟聲孟公二十
二贊

十月二十五日訪丈山翁山居即席亂道

洛陽二里程高士一時鳴籃輿偶來訪衡門早出迎
霜楓飄落葉寒菊拾殘英丁部尋張氏淨名笑杜生
詩仙圖貼壁書史軸懸棚飛瀑清溪水主人可濯纓

此日次郎罷韻題詩仙堂

王翁高尚躡清塵俗客無來不諠譁三十六仙堂宇
上儼然中國舊詩人

都筑吉保丈在東武賦中秋之短篇又有寫懷
之絕句示余求賡載乃和其韻以投之

欣逢三五夜千里數峯攢佳月無遐邇吟窓下樣看

又

遠客悠悠佳什成敲推慰得官遊情他鄉縱隔故鄉
月雲霧何遮方寸明

鷹贅

寫成架上俊鷹圖鐵嘴金眸待指呼何日解條追眾
鳥望看毛血灑平蕪

高峯詩集

卷之二

十一

丈山處士借余父子兄弟與朝鮮二使及朴進士等所贈答之詩卷閱見之經旬返之時寄律詩卽和其韻以呈之

韓國星槎邂逅遭通筒來往振玄毫影移若木枝頭日波動蓬萊鳴下鰲東武旣離三价去西京相見一人高平生詩伴何爲者漢魏六朝唐宋豪

又次前韻同投之韻不堪險待疊和也

歲歲相思何日遭此行唱和掃霜臺境依台嶠追司馬濕擬廬峰憶劔齋八瀨隣邊幽處遠四明洞下小

堂高巖橋谷飲耽閑淡隱逸沈冥下世豪

和道專文言別之詩韻

明自道專赴雲州余東歸亦在道專故詩中如

人望西海我望東萍水會離無異同官事忽忽談未了明朝旣是馬牛風

和由敬詩韻以寓勸學之意

慇懃尋我入儒林投刺相看禮意深努力案燈總雪影東遊他日約青襟

恭安席上嗣信成詩韻

恭安者道安長子信成也時道安在

難兄難弟學鴻術况又詩中俊逸才江府到時談此
會可看乃父笑顏開

同席綴律詩一章呈細野君

家傳既與世人殊祖本黃門父歛夫詩律吟呻追李
杜經書理義慕程朱君其北關仙宮士我是東關陋
巷儒相遇相離情未盡一篇在斐勿胡盧

細野君賜盧字高歌余性不學倭歌故又次前
韻奉謝之

濂洛關閩道不殊猶思呂氏與欽夫會同無覺燈追
夏邪義須論紫奪未蒙傑高鳴當世學嚴君大起本
朝儒別來此夕何爲忘茶話詩評輕陸盧

梅賚 小川氏求之

老梅宛爾傳神百并元無等倫深雪中清苦操孤芳
報下枝春

梅入生寄詩言別明白椒裝筆硯既欲入行囊
故倉卒依其韻附奚以投之離恨難拚臨楮悵
然

回首長安是白雲，千霜今遇最歡欣。明朝別後山川隔，千里神交不忘君。

次小川俊政文送別之詩韻

喬木庭松社裏，粉簾文相遇。見新文，人生如寄東西去。聚散斯須變化雲。

(Faint bleed-through text from the reverse side)

癸未十一月十四日出京赴江戸

此暮與源豆別會於江州石部遂同途

擔夫驛馬促行裝，在洛四旬思北堂。雲路冥冥東武遠，故鄉却是似他鄉。

相坂關

逢坂堅關鎮帝宸，清流飲馬水粼粼。往來絡繹問奚自，應答東西南北人。

膳所城 古云粟津是也

粟津昔聽勇夫疲，膳所今看武備奇。城有利兵堅甲

在况將湖水作湯池

湖水

周繞江州方面平
漱光如鏡滿天明
眺望旅客顧花
洛聞說神仙遊
竹生台嶠二千闌
若影長流萬丈水
波聲琵琶湖今若比
西子定有鴟夷一舸橫

勢多橋

記得勢多形勢奇
古來幾度戰於斯
虹橫河漢月中
影龍卧阿房宮裏
姿大友不全備
貳位泰時早破弱
王師兵家唯用絕
橋術背水軍謀更不知

三上山

丁名百足山

經過三上一山阿
百足馬駝曾作魔
不被夔隣無笑
驚勢多橋下欲食蛇

江州吟

出洛登日岡
肩輿四顧望
相坂憶隱士
石山感女郎
琵琶絃待鍾子
彤管慕蒙莊
既到大津湊
湖上遠帆揚
滋賀古帝里
三朝冕衣裳
山櫻今不見
久尋遺闕芳
受封藤史富律令
正紀綱謀逆惠美亂
征討伏劍鏢
獻岳起傳教猶存
根本堂園城釗智證
欲建戒壇塲

經卷雖在几甲冑亦滿房被憎於淨海遭怒于信長
二將如項羽一炬燒咸陽驕奢可自戒浮屠不免殃
午炊草津驛晚宿石部鄉水口水安在土山山則亡
美濃是隣並伊勢接封疆多景欲吟咏無奈公程忙
蟹坂
在土山東鈴鹿西也里俗稱昔有蟹為害武士斬之立石塔以為其遺跡也
郭索為妖何世時武人勇悍乍誅夷不殺畢卓雍間
去路辟空存一石基

勢州吟

天照太神所奉崇古今宇宙鎮我國實實枚枚宗廟
尊當初相倭倭姬乃天孫降來豐葦原左右前後有
輔翼宇治山田內外宮祭祀不怠巫覡職經營制度
是茅茨搏風高峻有法式二種神器百世傳英靈感
格不可測鎌倉右將祈願文添得武門全盛德非類
非禮何為歆正邪枉直世人惑鈴鹿關下山路通我
亦默禱心感刻具平苗裔北畠家曾仕南帝掌此域
曆應以來處處軍強敵相支互難克後世子孫忝所
生忽屬北朝雲反覆應仁大亂雖顯名天正合戰赤

族踣龜山庄野石藥師四日市店一夜息昔日勢州
 行路難往往禦人爲盜賊唯今幸逢升平時農夫耕
 稼婦紡織

桑名舟中作

欲到熱田時潮乾舟不進役夫繫繩牽之恰似陸行蓋舟

桑名解纜海漫漫白日昭回眼界寬水府千尋有龍
 騰天池萬里見鵬搏雲關長鳴城樓聳岸近熱田潮
 汐乾安得才如曹植輩文章筆力捲波瀾

荒井海上望見富士山

土峯突兀勢崔巍荒井舟中斯景稀晴好鵝毛千里

影唯疑海上白鷗飛

大堰河歌

大堰河分泉駿遠之一冽兮巨石激波而瞰奔流兮
 東西往還者自古不通舟兮况其橋梁不可建乘輿
 不可涉皮囊不可游兮木罌難用淮陰侯兮安見流
 馬與木牛兮聞說夏潦秋霖時屢使金谷鳴田民戶
 浮兮常使行人不論官私數日留兮巫峽瞿塘灑頰
 之險若比此河不得儔兮

宇都山十團子

餅家多山團粒粒細絲貫山裏若無曆以斯筭十

鞠子

宇都阿部山河對其間有鞠子村在遊庭雅經東行時可喜地號同所愛

阿部川

十人能作楮水此邊多狐

水霜寒烈仰冬天冒曉凌風阿部川借問放翁何用處紙衾夜坐野狐禪

江尻西畔有嫗池里人語曰昔有老翁老嫗為夫婦及翁沒嫗不堪哀慕投村井而死今井荒

為泥池里人號曰嫗池到今臨池投石則水迸出俗傳以為嫗之哀念所致也

老嫗投身一井村世間何事負末恩悲於泉下猶無止泥裏水生如淚痕

富士山

富士奇觀不可論嵌空太始雪花繁山神曾侍帝觴宴絕頂傾翻白玉盆

浮嶋原

滿目風光氣象侔平沙漠漠路悠悠瓊宇一滴土巖

麓為嶋為原凝尚浮

黃瀬河

在沼津東二嶋西

一笑千金歌舞腰驕荒人去僅看橋治承源氏再興

日記得九郎逢頼朝

發二嶋望山木

望看山木笑兼隆要害寫成圖畫中可比漢高誅沛

今羸秦平氏一時空

海上望大嶋是昔鎮西八郎所謫也

千里逐身波浪風激茫大嶋大洋中曉天斜掛一弦

月須是八郎將放弓

箱根山

坂行八里苦攀援東去西來欲斷魂名與山靈堅且

久白雲鎖舊石為根

早雲寺

早雲勃起帶甲冑夢中杉鼠託占繇寺門掃苔一老

僧猶話昔日五代富

曉發小田原時酒勾民家朱火燒亡

月落星稀火氣浮可憐編戶遇斯憂始疑海日生殘

夜終倍酒勾羅鬱攸

惟子驛路傍南有一土橋是赴鎌倉之路也

鎌倉古柳營回首足無行公事不由徑况今近武城

六鄉橋吟

俗說自山重忠堂居于此雖不考于舊記然重忠者武州甲族而屢往來

鎌倉則不可無其理故首句及此

河崎東畔六鄉里俗稱重忠居此村重忠武州七黨
長攻城野戰報若恩攀龍附鳳勇功士往事悠悠遺
蹤蜿橋去江城五里許出者入者日頻繁闔國列侯
會同處輿馬劍矛僕從喧異域來朝投化者萬歲高

呼可汗尊士農工商幾多過皆是名走兼利奔可笑
尾生約女子何用禪徒弄胡獠玄霜搗盡朝裴氏丁
卯吟成憶許渾菊花過後自斯出顧視江城殆消魂
早梅開時自斯入跋及江城望衡門三月遠征幸歸
府今日歡并不可言 十一月二十五日

疊和前韻遙谷石丈山處士所寄以遣遠想

契濶何忘幸幸遺想尋山宅共濡毫胡風擊帛得傳

雁水月垂鈎欲釣鱉庭砌林泉心稍廣歲寒松栢節

彌高塊者玳瑁與朱履野服烏巾笑四豪

次奉丈山寄即罷之韻

山中投老數年回世上功名是份灰別後一憂還

喜長安書自日邊來

賡丈山贈考槃適排律韻

薄暮與朝陽東西輿首望多年雖隔岳前度偶還鄉

能入雲林境遠離市井場房顏成翠繞老鬢不蒼浪

覓句豫章派藏書李氏房相思窮物理天地自圓方

今冬在洛之際與細野君解后余即席綴律詩

一首以呈之殊夫朱儒盧其韻也君以倭歌被

答之見之則以盧為暗昏之義其有所擬乎如

何經日被寄和詩一章時余既倣裝厥明東發

忽忽焉且謂本朝舊例以十四字配三十一言

則余所作不輸君者猶餘二十八籌故不及重

酬焉頃日君遠寄手帖於東武被請再賡何為

周諄乎余往歲與親朋以廬字爲韻贈答者十
 餘篇故今避響所用而疊和二章投之其實欲
 求余詩則幸也若夫欲試我則千里之詩戰自
 茲開耶又是講磨之一端耳無以我言爲孟浪
 也

遮莫山川驛路殊便風千里附征夫一篇佳句擲金
 王萬卷陳編校墨朱文案先揮毛穎子淡燈相對敬
 侏儒初唐四傑雖輕薄何哂王楊與駱廬
 離索無令情意殊長安一夜識潛夫繼聲酬和追元

白好辨能言拒翟朱何用虛談妨實理可嫌陰佛混
 陽儒朝參想像禁庭下左衛櫻花右衛廬

一封豈與面談殊千古冷泉無俗夫鶴過仙宮猶倍
 色鷄鳴禁闕已呼朱神風吹起八雲詠文學傳來四

道儒日域名家藤氏族須將門戶比崔廬季冬下齋

歲暮執毫之次口占律詩自叙事實

讀書萬卷筆何休尺璧分陰日月流倭譜二年終撰
 集猶人一旦最奇遊柳營新命帶符印楓陛行看拜
 冕旒且喜餽生逢盛事豈將識字可爲憂

臘晦立春奉和家君嚴韻

玄冬得得去，無留今日江梅春色浮。
一氣洪鈞回挽，力東皇來駕土牛頭。

臘月小盡奉和家君芳韻

元是陰陽有，盛衰風光更似坂車馳。
曉來春到今年，盡一葉階實未厭時。

鷺峰先生林學士詩集卷第八 終

